

IOSEPHI  
CASTALIONIS  
IVRISCONSULTI  
VARIAE . LECTIONES

---

A D OF. 66  
ALEXANDRVM. RODVLFIUM  
IO. FRANCISEI. F



ROMAE, Ex Typographia Bartholomaei Bonfadini. 1594

---

SVPERIORVM. PERMISSV

BBB. I. A.

INSTITUTIONES  
ARITHMETICAE  
VARIAE. LECTIOES

---

ALEXANDER ROBERTSON  
1711



BRI. A.

ALEXANDRO  
RODULFIO  
IOANNIS FRANCISCI  
FILIO



IOSEPHVS. CASTALIO  
S . P . D.




*X ijs, quae anno superiore  
a nobis ad Institutionum  
& legum locos paullo obscu-  
riores notabantur, cum ti-  
bi, & BARTHOLOMAEQ  
CAVALCANTI, iuueni hu-  
manissimo, Iuris ciuilis elementa traderem,  
nonnulla delegi ab humanioribus studijs haud  
prorsus aliena, & in Variarum Lectionum vo-  
lumē conieci. Ea quando ad te iure optimo per-  
tinent, tuo nomini praecipue inscripta, ac ty-  
pis excusa in publicum prodire tuo cum splen-  
dore volui. Tu enim is es, qui ad generis nobi-  
lita-*

litatem ingenij quoq. & virtutis propriam  
laudem adiungis, dignusq. prope iam existi-  
maris, per quem RODVLFAE familiae ornamē-  
ta restituta boni omnes velint. Quod tamen  
mirum videri poterit nemini, qui te IOANNIS  
FRANCISCI viri optimi, & ornatissimi filium,  
praeceptis HIERONYMI MEII, Graecarum lit-  
terarum cognitione praestantissimi, institu-  
tum, & RODVLFI fratris eruditissimi, & ho-  
nestissimi vestigijs insistentem, cognouerit.  
Addo etiam complurium sapientissimorum,  
hominū, in primis vero ANTONII QVAERENGI,  
ALEXANDRI BVRGII, IOANNIS BAPTISTAE  
STROTHII, & COM. GABRIELIS, CAPRAE familia  
ritatem, ac consuetudinem. Tu vero in isto  
aetatis flore ad gloriam, ut facis, contende;  
& amoris hoc in te mei monumentum libenti  
animo complectere. Vale. Romae IV. Idus  
Ian. CIO IO XCIV



# V A R I A R V M

## LECTIO N V M CAPIT A

 D l. quae res pignori obligari possunt. Cōmentarius, Alumnus qui.	
Ad l. Vñfructuarius, de Vñfructu	
Commentar. quid tētorium, &	
rudis paries.	pag. 1
Ad legem cxxx i. de verb. sign. Comment.	3
Qui sit equus dexter, qui sinister in agitatione, &	
Bigarum Certamine. Turnebus reprehensus.	6
An Britannos vicerit Augustus. Horati, & Sucto	
ni loci collati.	9
Cur mare Adriaticum aestuosum.	11
Num veteribus insignia fuerint. collati Illustriū	
Poetarum loci.	13
Vergili locus collatione aliquot poetarum expli-	
catus. Seruius reprehensus.	15
Vergili & Stati loci collati.	17
Vergili locus, a Statio expressus.	18
Infrenis quid sit, aduersus Seruium, & Donatū.	18
Olympi apud Vergilium recte scriptum, reiectae	
multorum castigationes. Patrius Casus per sim-	
plicem tertiam vocalē in soluta quoq. oratio-	
ne contra Prisciani sententiam scribendus.	19
Quid sibi velit aratrum muris inducere. collatus	
Modestini I. C. locus cum Horatiano.	22

Sidera pro singulis stellis, aeger pro aegroto, reie-  
cta quorundam scrupulosa proprietatis observa-  
tione.

22

Matrimonia cum fratrum vxoribus dānata, Aegy-  
ptiorum & Iudaeorum instituta super ea re, de-  
fensus Imp. Zeno, Connanus reprehensus.

25

Libertini qui.

27

De Tribu Camilia extra xxxv. numerum.

29

Ex consule, ex quaestore qui vocarentur.

30

Grates agi recte dicuntur.

31

Solstitium, siue Solstitia numero multitudinis  
pro aestiuo tātum. Vergili locus illustratus.

36

Pecunia in nominibus occupata idest mutuo da-  
ta, vel ad nomina facienda destinata, nostra nō  
est. Ciceronis, & Iurisconsultorum loci com-  
parati.

38

Lustrum quinque annorum spatium, Horati locus  
illustratus.

41

Versus obelisci Constantiniani aliquot locis illu-  
strati & restituti, metallum pro marmoris fodi-  
nis.

44

Praetor tutelaris

47

Aureli Prudenti locus emendatus.

50

Enni versus apud A. Gellium explicati. Frustrari  
& frustra esse, quid. M. Antonius Muretus lau-  
datus.

51

Mortales inuocari a poetis non esse insolens, aut  
nouum.

52

Horati

Horati, & Valeri Flacci loci collati.	56
Ouidi loci ex epistola Penelopes vindicati, Iulius Caesar Scaliger reprehensus.	57
Vergili & Liui, loci collati, de Etruscorum impe- rio.	59
Fului Vrsini, & Iosephi Scaligeri opera in Festo explendo.	60
Vnde quis sit nominandus	62
Lucani aliquot loci defensi, aduersus Iulium Cae- sarem Scaligerum.	63
Recondita nominum, & verborum per numeros figura.	64
Lunae silentium, Vergilius & Statius collati.	65
Vergili, & Valeri Flacci, loci collati.	66
Viduare ad mares quoq. referendum, Seruius re- prehensus. Vergilius, & Siluius collati.	67
Caput Mundi Roma loci poetarum collati.	68
Horati, & Ouidi, loci collati.	68
Horati, & Claudiani, loci collati.	69
Quid sit apud Vergilium mare stare, Seneca emē datus.	70
Vergili & Tibulli, loci collati.	71
Vergili locus a Claudiano expressus.	72
An vlla vis beneficijs in amore fuisse sit credi- ta.	72
Explicatus Verg. locus, Seruius reprehensus.	73
Curpiati Geloni, a Verg. dicti Claudiani locus collatus.	74

Vergil. locus, a Claudiano expressus.	75
Vergili & Stati loci collati.	75
Vergili locus explicatus, Prudenti collatus, Seruius, & Turnebus reprehensi.	76
Ante ne, an post Substantiuu m collocandum, sit adiectiuum.	77
Litterarum monumentis praestantissimorum hominum memoriam conseruari. Eius rei aliquot poetarum, Ciceronisq. & Senecae sententiae congestae.	79
Homeri, Hesiodi, & Vergili, locus collatus.	82
Numisma Inici Dauali. Carmen Iosephi Castalionis ad Thomam Daualum.	83

---

*Errata sic corrigenda.*

- pag. 4 Cum dicimus ante diem decimum.
- 15 Querente a heno iactat.
- 30 in eam potius sententiam discedit.
- 41 Cauimus, & domini ius omne remisimus aegro
- 44 Credidit & placido vexerunt aequora fluctu
- 71 Carisium.
- 83 Attamen incensus maiorum laude tuorum.
- 84 Hyadas.





IOSEPHI  
CASTALIONIS  
IVRISCONSULTI

*Ad l. 1. C. quae res pignori oblig. poss.  
Commentarius.*



LVMNVM, *Alumnamque*, esse,  
qui, quae ve alitur; non item, qui,  
quae ve alit, facile doctis viris pro  
babo. Illud autem difficilius expli  
catu est, quod in l. 1. C. quae res  
pign. oblig. poss. legitur. Nam ibi  
Accursius, parum constans, modo  
filios ex concubina, modo eos, qui  
aluntur, aut qui alunt, *Alumnos* interpretatur. Ac Prate-  
ius se non legisse scribit, qui significatum proprium *Alum*  
*ni* explicet in specie, d. l. 1. §. Semproniam. l. Codicillis,  
ff. de usu & usu fructu leg. Ego, quid censeam, ut potero, ex-  
ponam, si prius eorum sententiam, qui *Alumni* vocabulū  
actiuae significationis esse contendunt, refutaro. Equi-  
dem mirari satis non possum, quid ijs in mentem venerit,  
quamobrem cōtra veterum optimorum Latinae linguae  
auctorum usum *Alumnos* interdum eos dici, qui alunt  
asse-

asseruerint. Plautus certe *Mostellaria* notae significatio-  
nis nomen ad amatorem festiue transtulit; ducta similitu-  
dine a puero, qui ad nutricem se confert. Apud illum  
Callidamantes sic loquitur:

*Ecquid tibi videor mammam adire.*

*O, Ocellus es meus, tuus sum alumnus.*

Idem *Poenulo* proprie:

*Herus meus hic quidem est, mearum alumnarum pater.*

Verba sunt Giddenemes nutricis. Verg. lib. Aen. sexto:

——— *nec Romula quondam*

*Vllo se tantum tellus iactabit alumno.*

Idem lib. vndecimo:

——— *sed non felicibus aequè*

*Tum comes auspiciis caro datus ibat alumno.*

Horat. epistolarum lib. i. ad Tibullum:

*Quid voneat dulci nutricula maius alumno.*

Ceterum Alumno, Alumnaeque, Nutrix, Altrix, Educa-  
trix, Nutritor, Altor, Educator, respondent. Instir. quibus  
ex causis man. S. eadem lege: *Iustae autem manumissionis*  
*causae haec sunt: veluti si quis patrem, aut matrem, filium, filiam*  
*ve, aut fratres, sorores ve naturales, aut paedagogum, aut nutri-*  
*cem, aut oducatorem, aut alumnum, alumnam ve, aut collecta-*  
*neum manumittat.* Laurentius quidem Valla egregie hanc  
partem tuetur: sed iniuste Nonium Marcellum accusat.  
Non enim exempla ex auctoribus, quos eruditissimus  
grammaticus laudavit, eo producta sunt, ut *Alumnus*  
pro educatore acceptum ostendant. neque id Nonius scri-  
psit. Verum mendoso Valla usus exemplari, (in quibus-  
dam enim libris pro Aluntur, Alunt est legere.) Nonium  
errasse pronuntiauit. Inepte autem faciunt, qui actiuam  
in suis Lexicis Alumno significationem attribuunt; ne-  
que auctorum locos recte expendunt; sed contra, quam  
scriptum est, accipiunt, atque comminiscuntur mera som-  
nia. Nam, quod apud Plinium legitur lib. 3. cap. 5.

*Terra*

*Terra omnium terrarum alumna, eadem & parens*, de Italia loquitur, cum Alumna pro altrice interpretantur, ne ipsi nihil intelligere videntur. Italiam Plinius terrarum omnium parentem, quae omnium gentium, nationum, populorum rem, salutem, honestatem, legibus, ac legionibus tueretur; eandem *Alumnā* terrarum dixit, id est, quam vicissim vniuersus terrarum orbis aleret, commeatu iuuaret. Huc pertinent versus Claudij Rutilij Numatiani, cuius Itinerarium, elegis elegantissime conscriptum, a nobis emendatum, & adnotationibus illustratum, superioribus annis edidimus. Romam alloquitur:

*Aeternum tibi Rhēnus arēt, tibi Nilus inundet,*

*Altricemq. suam fertilis orbis alar.*

Si quidem Populus Romanus frumento ex Aegypto, atque Africa importato utebatur. quod ex Claudiano discitur, initio libri de bello Gildonico:

*Tot mihi pro meritis Libyam, Nilumq. dedere,*

*Vt dominam plebem, bellatoremq. Senatum*

*Classibus aëstiuis alerent, geminoq. vicissim*

*Litore diuersi complerent horrea venti.*

Eodem libro tantae rei frumentariae comparandae causam exponit:

*Quid mihi septenos montes, turbamq. dedistis,*

*Quae paruo non posset aliis felicior essem*

*Angustis opibus, malletm tolerare Sabinos,*

*Et Vcios, breuior duxi securius aeuum.*

*Ipsa nocet moles. Vtinam remeare liceret*

*Ad veteres fines, & moenia pauperis Anci.*

*Sufficerent Etrusca mihi, Campanaq. culta.*

Idem dicendum esset de altero Plinij loco, qui libro naturalis hist. extremo corrupte ab istis producitur, si ita legeretur, ut adnotarunt: *Italia rectrix, parensq. mundi alumna*. Non enim *Alumna*, sed *Altera*, rectius omnino in libris emendationibus legitur. Iam vero, quod ex Q. Cur-

tij libro octauo affertur, non efficit, quod volunt. *Alumnus*, inquit, *vestrum Regem ne deferatis*. Milites monentur, ne Regem suum, apud quos Rex ipse natus, atque esset, quemq. ipsi prope aluisse videbantur, destituerent. non esse peregrinum Regem, non externum, aut alienum, sed ciuem, natium, indigenam, atque adeo alumnus profiteretur. Illud profecto ridiculum est, quod agmen claudit. Producit e libro primo Cic. de Diuinatione versus:

*Vos quoque signa videtis, aquai dulcis alumnae:*

atque ita exponitur: *Aquae alumnae*, id est, quae alit. idq. sensit Marius Nizolius. Quid hoc pinguius, quid ineptius fieri potest? *Aquae* attribuitur, quod ad *Ranas* referendum est. Alloquitur enim auctor *ranas*, *aquarum alumnas*. id quod manifestum fit versus ipsos attentius legenti:

*Vos quoque signa videtis, aquai dulcis alumnae,*

*Cum clamore paratis inanes fundere voces,*

*Absurdoq. sono fontes, & stagnacietis.*

Quam isti longe a sententia feruntur, quam toto errant caelo. Sed & Iacobus Cruquius in Horatium ad Od. viij. lib. iij.

————— *ab eaq. paruis*

————— *Aequus alumnis.*

aduersus Vallam Varronis locum apud Nonium actiue interpretatur. Varro Eumenidibus:

*Et ecce de improviso ad nos accedit cana veritas,*

*Atticae philosophiae alumna, &c.*

Ad quem locum Cruquius inquit, *Ex veritate namque philosophia, non etiam ex philosophia veritas nata est*. Quid absurdius? Immo a philosophia veritas fouetur, alitur, educatur, si non nascitur. Veritatis igitur alitrix, nutritrixq. philosophia est. quod Cruquius non vidit. Neque aliter accipiendus est Cor. Taciti locus de claris Oratoribus:

*Est, inquit, magna ista, & notabilis eloquentia alumna licentiae, quam stulti Libertatem vocant.* Haec Tacitus. Licentia

enim



enim eloquentiam norandam, & animaduersione dignā foueri, ali q. significat, non ex eloquentia licentiam ortam esse, vt inepte putat Cruquius. Cicero quoque de claris Oratoribus hoc dicendi genere vsus est: *Pacis est, inquit, comes, otijq. socia, etiam bene constitutae ciuitatis quasi alumna quaedam eloquentia.* Quis non videt, bene constitutam Ciuitatem esse eloquentiae altricem? Nunc ad primam Legem Codicis, titulo, quae res pignori obligari possunt, aggrediamur. *Alumnos tuos, & ceteras res, quas neminem credibile est pignori specialiter daturum fuisse, generali pacti conuentione, quae de bonis tuis facta est, in causa pignoris non fuisse rationis est.* *Alumnos* Accursius, vt dixi, incertus est quo pacto accipiat. nam modo filios ex concubina, modo eos, quos aluisti, aut qui te aluerunt, opinatur. In Accursij sententiam a Doctoribus passim itur. Ego *Alumnos*, de quibus mentio fit in d. l. i. seruos esse vernas, quos sibi quis a teneris, vt aiunt, vnguiculis peculiariter educauerit, sine vlla dubitatione edisero. Quis enim posset specialiter obligare liberos homines? Operae autem pretium facturum mihi videor, si paullo altius disputationem repetam. *Alumnum* constantissime eum tantum optimus quisque Latinitatis, auctor dixit, quemcumque quis aluisset, cui respondet, vt dixi, Altor, Nutritor, Educator. Nec interest, seruus ne, an liber sit, qui alitur, superior ve, aut inferior. De Pallante, Euandri Regis filio, Acetis armigeri alumno, Vergilius lib. Aen. xi. cecinit:

*Corpus vbi exanimi positum Pallantis Acetes*

*Servabat senior, qui Parrhasio Euandro*

*Armiger ante fuit, sed non felicibus aeque*

*Tum comes auspiciis caro datus ibat alumno.*

Sic ipse Aeneas Caietae nutricis alumnus fuit, potentior hic, illa humilior. Hoc autem alumnorum genus nihil ad eam legem pertinet. Domini seruorum quoque fidei liberos suos alendos committebant. Ne hoc quidem  
genus

genus ad rem. Nascebantur ex ancillis propriis apud dominos serui, ijque Vernae vocabantur. ex ijs, si quos dominus specialiter aleret, neque inter ceteros tolli, educariq. in seruorum grege, ac multitudine pateretur, Alumnos suos appellabat; quasi dixeris vernas, & peculiare seruos. quamquam non ignoro, peculiarem seruum dici, qui in filij quasi peculio sit. De hoc Alumnorum genere lex nostra loquitur. Alumnos item Acron apud Horatiū Ode 18. lib. 3. pro vernis sumi, auctor est. Vernulas enim interpretatur, quos Horatius paruos alumnos dixerat, quibusq. dominus timebat. Quare Horatius precatur Faunum, qui infantibus insensus credebatur, ne paruis alumnis, id est seruis infantibus noceat. Ecce tibi Altor dominus, Alumnus seruus. Seruilis ergo notae alumnus censendus. Interdum tamen eueniebat, vt alumnus manu mitteretur, & e seruo liber fieret. neque certe ob eam rem alumni nomen aboleretur, sed retinebatur, statu mutato, ad indicandum, quo is loco apud dominum fuisset. *Est regione Hospitij peregrinorum Trinitatis elegantibus incisum litteris marmor antiquitatis refertissimum, quod huc spectat.*

M. LIVIVS. AVG. L. SECVNDIO  
ACCENSVS. DRVSI. CAESARIS  
ET. ALVMNVS

M. LIVIVS. M. F. POL. MACEDONIC. F  
IVLIA. TERTVLLA. VXOR  
M. LIVIVS. M. L. PROSPER

Eundem Libertum, & Alumnum legimus, ex eo videlicet libertorum genere, qui, cum in servitute nati essent, gratiores tamen, acceptioresq. dominis, vel dominorum filijs essent. Secundionem servum Drusus Caesar, Ti. Augusti filius, sibi educauerat. eundemq. postea manumissum a Ti. Aug. patre, libertumq. Augusti dictum, Accensum esse suum voluit. Accensi autem erant liberti, qui  
magi-

magistratibus apparebant, ac praefloerant.

*Est & alia inscriptio apud Alberinos.*

AVIDIO . SPARTACO

P A T R O N A

A L V M N O

B .

M .

P .

Q .

Cum lapidibus faciunt digestorum libri. I. liberto suo, S. largius de annuis legatis. Pecuniam, inquit apud Scaeuo lā testator, quam Titio liberto meo, & alumno legavi, esse volo penes Publium Macrium usque ad vigesimum quintum annū aetatis eius, proq. ea computari cum eo usuras quadrātes. Vernas quoque non seruos, sed liberos, in veteribus monumentis reperio. E vernis scilicet seruis liberos factos dixeris.

In Colle Hortulorum, siue Monte Pincio, in hortis, quos magnificētissime exstruxit, atque instruxit Regio sumptu, statuisque, tabulis, & inscriptionibus antiquis exornauit clarissimus antiquitatis vindex, Ferdinandus, Magnus Etruriae Dux.

S E C V R I T A T I

COGNATIONIS . SVAE

FORTVNATVS . AVG. L.

VERNA. PATER NVS

AB. EPISTVLIS

ACCENSVS . PATRON

DIVQ. AVG. VESPASIANO,

LICTOR . CVRIAT

VIAT. HONOR. DEC. COS. ET. PR.

ET. SIBI, ET V

E P A P H R O D I T O . AVG. L.

AB. EPISTVLIS . FRATRI. SVO

Cum hoc consentit lapidis inscriptio, a nobis in Capitolio descripta. vnde feminam feminae libertam, eandem & vernam intelliges.

DIIS. MANIBVS  
IVLIAE. 5. LIB. HELPIDIS  
VIXIT. ANNOS. XVI  
MENS. VIIII. DIES. DVOS  
IVLIA. IRENA. FECIT  
VERNAE. SVAE. CARISSIMAE  
BENEMERENTI. ET. SIBI. SVIS  
LIBERTIS. LIBERTABVSQVE  
EORVM

*Et apud Fusconios:*

DIIS. MANIBVS  
N. S A T R I  
AVGVSTALIS  
S A T R I A  
N Y M P H E  
VERNAE. SVO  
C A R I S S I M O  
VIXIT. ANN. XXII  
M. I. DIEBVS. IIII

Libertum fuisse Augustalem, non autem servum, intelligo, quem Satriae gentis nomine, & Numerij praenominis auctum video. N. Numerium significat.

*Ad rem quoque facit lapis in hortis olim Carp.*

D. M.

Q. VOLVSIO. AVGVSTALI  
VIXIT. ANN. XI. D. XXI.

Q. VOLVSIVS. DEXTER  
V E R N A E . S V O

Vernam hoc loco non servum, sed libertum, dixeris. Cui enim praenomen, & familiae Romanae nomen adiungitur, Liber, & Cuius Romanus sit, necesse est. Quod vero sequitur, in dubio esse potest, num de servo, an de liberto dicatur:



E V H E M E R O

C A E S A R I S. N

V E R N A E. P E D I

S E Q V O. V I X I T

A N N I S. X X I I I. M E N S

I B V S. V I I I. D I E B V S

V. A E L I A. S V C C E S S A

M A T E R. F I L I O. B E N E

M E R E N T I. F E C I T

Libertum potius puto, cuius mater ex gentilicio nomi-  
ne libera cognoscitur, quiq. tum matris commendatio-  
ne, tum suis meritis facile libertatem ab indulgentissimo  
Principe impetrare potuit. Neque solum Vernarum, Alū-  
norumque vocabula ad libertos extendi, sed etiam seruo-  
rum appellatione in ipsa libertate retentam video.

D I S. M A N I B V S. D E X T R I

C A E S A R I S. S E R V O. D I

A E T A R C H O. D O M I V S

A V G. T R E B O N I A. L A V

D I C E. F E C. C O N I V G. B. M

C V M. D V A B V S. F I L I S. F O R

T V N A T A. E T. F E L I C E

Seruus dicitur, quem libertum esse cōstat. coniux enim  
seruo non erat, sed contubernalis, neque ex libera seruus  
liberos suscepisse dicebatur. liberam autem eius vxorem  
fuisse, ex eo cognoscimus, quod nomini proprio pereгри-  
no, familiae nomen Romanae praepōnitur Trebonia  
Laudice.

D I S. M A N I B V S

F L A V I A E. A T H E N A I D I

A P O L L O N I V S

I M P. D O M I T I A N I. A V G.

G E R M. S E R. P E C V L E T

F L A V I A. P A L L A S. P A R E N T E S

FILIAE. CARISSIMAE. FECER  
VIXIT. MENSIBVS. VIII. DIEBVS. XXVI

Seruum peculiarem imperatoris, non qui seruus eo tē-  
pore esset, sed qui olim eius loci fuisset, dictum puto. Pa-  
pin. Staius Earinnm Domitiani Libertum in praefatio-  
ne libri tertij Siluarum his verbis nominat: *Earinus prae-  
terea, Germanici Dei nostri libertus*. Eundem Caesaris ser-  
uum in Coma dicit: *Quos tibi Caesareus donat puer*. Caesa-  
reum puerum Caesaris seruum interpretor, nō qui seruus  
re ipsa sit, sed qui fuerit antequam manumitteretur. Huc  
accedit, quod non libertinae tantum condicionis homi-  
nes, sed planē ingenui seruos se Imp. Domitiani profite-  
bantur, quod ille Dominum se, Deumque ab omnibus di-  
ci praecepisset. auctor Suetonius.

*Apud Caesios.*

FLAVIA. AVG. L. DORIS  
FECIT. SIBI. ET  
IDEO. CAESARIS. N. SER.  
CONIVGI. SVO. ET  
EPAPHRODITO. FIL  
LIBERTIS. LIBERTABVSQ

EORVM

*Et apud Fusconios.*

QVINTILIA. DONATA  
FECIT. SIBI. ET. CONIVGI  
SVO. A C M A Z O N T I  
CAESARIS. NOSTRI. SERVO  
ET. DAPHNICO. FILIO. HVIVS  
QVI. VIXIT. ANN. XVII. ET. LIBERTIS  
LIBERTABVSQ. POSTERIQUE

EORVM

*Et in templo S. Mariae de Monte Serrato.*

F O R T V N A T V S

CAESARIS. SER

NICOMACHIANVS

PATER. ET

SEXTILIA. PRIMA

MATER. FILIAE

PIISSIMAE. FECERVNT

ET. SIBI. ET

MOSCHINI. CONLACT

VIXIT. ANNIS. XV. MENS. IIX

Illud obiter hoc loco notandum est, in nomine Nico-  
machianus litteram illam inuersam, siue dimidiatam,  $\Psi$   
ad spirationis esse notam, pro integra H, quae ad MOS-  
CHINI nomen adhibita est. Huius notae confirman-  
dae gratia libet proferre *inscriptionis exemplum ex aedibus*  
*Hieronymi Pici a nobis desumptum.*

STATAE. FORTVNAE. AVG

S A C R.

SEX. FONTEIVS. C. L. TROPIMVS

CN. POMPEIVS. CN. L. NICEP. OR

MAG. VICI

SANDALIARI. REG

III. ANNI. XVIII

D.

D

Ex ijs, quae a nobis allata sunt, constare arbitror, *Alu-*  
*mnos* esse quicumq. alerentur, non autem qui alerent, siue  
liberi, siue serui, siue potentiores, siue tenuiores. Nunc vi-  
dendum est, an recte Accursius *Alumnos* filios interprete-

tur. Dicam libere. Accursio imposuerunt grammatici. unde ille didicit, *Alumnos* esse interdum nutritores, interdum filios. Seruius ad illum Vergilij versum lib. Aen. sexto,

*Nec non & Tition terrae omnipotentis alumnus, Terrae alumnus Tition a terra enutritum, & terrae filium dicit, secundum varias de Titij matre opiniones: ac Vergilium sermone, quo utrumq. significaret, usum esse, scriptum reliquit. Ego, quamquā Poetis lumnam in verbis licentiam esse sciam, censeo tamen apud Vergilium proprietatis amatorē proprie Alumnus pro alto, atque a terra educato, nō autem pro filio, positum. Tition enim, Iouis, & Florae filium, a terra nutrice, non parente, enutritum, fabulantur Poetae.*

Petrus Victorius libro Variarum lectionum vigesimo tertio, apud Nonium pro Filia *Alumnā* a Varrone dictā putat: cum Eumenidibus inquit:

*Et ecce de improviso ad nos accedit cana Veritas,*

*Atticae philosophiae alumna, &c.*

Ego vero Atticam philosophiam veritatis non parentem, sed nutricem existimo. nam veritas, vnde cumque orta, ab Attica Philosophia nutritur. Quis enim dixerit solis Athenis philosophorum praecepta veritatem enixa? Num sine philosophia verum quis non loquitur? num mendaces omnes homines, praeter Atticos? Alit quidem philosophia veritatem, non gignit. Sic Cicero *Civitatis bene constitutae alumnam eloquentiam*: sic Tacitus *licentiae alumnam notabilem eloquentiam* dixit, quae aleretur, atque enutriretur. Ceterum, qui fieri potuit, ut Accursius, qui omnes fere leges euoluit, excussit, contulit, hoc scripserit? Ego in Iuris Civilis, qui exstant, libris non inveni *Alumnos* neque pro nutritoribus, neque pro filiis acceptos. Immo ne loco quidem filiorum *Alumnos* fuisse, discretissime sancitum est. l. si quis alumnam. C. de nuptiis, si quis inquit Imperator alumnam suam libertate donaverit, &c.



*in matrimonio suo collocauerit, dubitabatur apud antiquos, Vtrum ne huiusmodi nuptiae legitimae esse videantur, an non. Nos itaque, Vetus tam antiquitatem decidentes, non esse Vetitum matrimonium censemus. Quid igitur Accursius somniauit, Alumnos esse ex concubina filios? Num patri cum filia naturali Imperator Christianus matrimonium legitimum esse statuit? Apage nugas istas nefarias, & Alumnos interdum seruos, interdum liberos fuisse, referriq. ad altores, educatoresq. concludamus: vt sint haec distincta, Alumnus Altor, siue Nutritor.*

*Apud Delphinos sic legi.*

D . M  
M . AVRELIO . AVG  
LIB . ISIDORO . MEL  
LO . PROXIMO . ARATIO  
NIBVS . AVRELII . HER  
MES . ALVMNVS . ET . GLY  
CON . NVTRITOR . ET  
MAXIMVS . BENE  
MERENTI . FE  
CERVNT

Et l. xij. ff. de manumissis vindicta: Si collataneus, si educator, si paedagogus ipsius, si nutrix, vel filius, filia ve cuius eorum, vel alumnus. Iam vero, pro seruis, quos Dominus educasset, supra citatis legibus ostendimus, eosdemq. manumissos, & liberos factos, Alumnos tamen appellatos docuimus. vt l. legem, C. de pact. Legem, inquit Imp. Alexander, quam dixisti, cum dotē pro alumna dares, seruari oportet, &c. Et l. 14. ff. de manum. vind. Alumnos magis, inquit Martia-

nus

aus, mulieribus est conueniens manumittere, sed & in viris receptum est: satisq. est permitti eum manumitti, in quo nutriendo propensio- rem animum fecerint. l. Codicillis, S. qui Semproniam, ff. de usu, & usufr. leg. Qui Semproniam, inquit Scaeuola, ex parte decima, & Maeciam ex parte decima alumnus ex reliquis partibus instituerat heredes, curatorem alumno dedit, cum iure facere putaret, & curatoris fidei commissit, ne pateretur fundum venire, sed, cum Semproniam, & Maeciam nutricibus suis frueretur redditu eius, & in ima parte testamenti ita adiecit, omnem voluntatem meam fidei heredum meorum committo. Quaesitum est, an tertia pars ususfructus fundi nutrices ex fidei commissio petere possint, quamuis curator ei receptus sit, quem iure dare non potuit alumno. Respondi, secundum ea, quae proponerentur, vtiliter fideicommissio voluntatem suam confirmasse. Idigitur cuique dedisse, ut & nutrices una cum alumno redditu fundi vterentur. Apertum, manifestumq. esse iam credo, Alumnos seruos fuisse, quos dominus penes se natos speciali affectu aleret, eosdemque, cum visum esset, libertate donaret, legatis insuper prosequeretur, ac fidei suorum commendaret, si quis id aetatis esset, ut aliena tuitione egeret. l. a filio, ff. de alimentis, & lib. leg. Maecio infanti alumno meo quadraginta dari volo, quae peto a te suscipias Seia, & Usuras ei quincunces in annum vsque vigesimum aetatis praestes, cumq. suscipias, & tucaris. Iucundum vero, atque in primis elegans Angeli Colotij epigramma, neque omnino ab hac nostra de Alumnae, Altricisque vocabulis disputatione alienum videtur, quod pari memoria, pronunciandi- que suauitate mihi Fuluius Ursinus, vir singulari ingenio, iudicio, eruditione, ac virtute, recitauit.

*Sunnascentem hederam trabeati in colle Quirini*

*Nutrierat densis quercus opaca comis:*

*Nunc, quia, victa aeuo, viduata est frondibus arbor,*

*Pro merito altricem vestit alumna suum.*

15  
Scriptio haec viri eruditiss. Iosephi Castalio-  
nis nihil continet fidei aut moribus aduersum. ac  
proinde censeo illam imprimi posse. Ex aedibus.  
19. Nouemb. 1593.

M. A. Maffa.

Imprimatur.

F. P. Ioannes Saragoça Magister, & socius  
Reuerendissimi Magistri Sacri Palatij.

*Imprimatur.*

*M. Antonius Vicesgerens.*

2. The first of these is the fact that the  
the first of these is the fact that the  
the first of these is the fact that the  
the first of these is the fact that the

M.A. 1.1.1.

The first of these is the fact that the  
the first of these is the fact that the  
the first of these is the fact that the  
the first of these is the fact that the

1. The first of these is the fact that the

the first of these is the fact that the





IOSEPHI  
CASTALIONIS  
IURISCONSULTI

*Ad l. Vusufructuarius, de Usufr.  
Commentariolus.*



**R**UDES parietes qui vocentur, & quid *Tectorium* sit, non recte per Glossam explicatum videtur in l. Vusufructuarius, de usufr. Nam *Rudes* pro nouis, *Tectorium* pro tecto perperam accipitur, ibi, *Vusufructuarius nouum Tectorium parietibus, qui rudes fuissent, imponere non potest.* Glossae error errandi ansam alijs, opinor, praebuit, in §. His igitur, Inst. de iust. & iur. in verbo *Rudem animum*. Ego vero *Rudes parietes* interpretor non dum expolitos, non tectorio obductos, non loricatos, non conuestitos. tales dicuntur hodie vulgari sermone *Ricciati*: quorum pleriq. veteres cum sint, rudes tamen adhuc conspiciuntur. Quis enim non intelligit, apud *Neratium* cautum esse, incrustationem parietibus, quibus numquam fuisset, usufructuario inducere non licere, cum ei, si quid inde vetusta-

te corruisset, reponere permissum esset. *Rudes* enim l. C. *parietes* dixit, non quod essent nudi, & recentes, sed nudi, horridi, hirti, & non exornati. Hinc ducta metaphora, hominum animi, quantumuis prouectae aetatis, qui nulla disciplina exculti, nulla doctrina, & institutione imbuti sunt, *Rudes* appellantur. *Tectorium* autem non esse tectum, sed parietis illinimentum, siue incrustationem, inde facile percipi potest, quod l. Haftenus, de usufr. Celsus ait, *usufructuarium posse non solum necessarias refectiones, sed etiam voluptatis causa, ut tectoria, & pauimenta, facere.* & l. quod si seruus, §. 1. de in rem verso. ubi disertè Vlpianus *Tectorium* in his recenset, quae ad voluptatem magis, quam ad utilitatem, spectant. quod de tecto ad imbres, caeliq. iniuriam summoquendam comparato non est dicendum. Tectum enim nemo est, qui non numeret in rebus utilibus, & necessariis. Ceterum Tectorij multas fuisse species, eiusque conficiendi rationem, apud Vitruuium libro de Architectura septimo capite tertio est legere. Tanta vero fuit tectorij apud antiquos crassitudo, & durtitia, ut idem Vitruuius dicat, e veteribus parietibus crustas excidi in mensularum, & speculorum usum solitas esse. Hinc est, quod eximi tectorium a creditore posse Vlpianus, dicit. d. l. Quod si seruus, his verbis: *Patet debet dominus creditorem hoc auferre sine domus suae videlicet iniuria, ne cogendus sit dominus vendere domum, ut, quanto pretiosior facta est, id praestet.* Et Celsus l. in fundo alieno, de rei vend. *Sufficiat tibi permitti tollere ex his rebus, quae possis, dum ita ne deterior sit fundus, quam si initio non foret aedificatum.* Censuimus vero, ut, si paratus sit dominus tantum dare, quantum habiturus esset possessor his rebus ablatiis, fiat ei potestas. Neque enim malitijs indulgendum est, si tectorium, puta quod induxerat, pietasq. corrudere velit, nihil laturus, nisi ut officiat.

# AD . LEGEM . CXXXI

## DE . V E R B . S I G .

### Commentariolus.



Vam esset illud loquendi genus apertum,  
& tritum, quod apud optimum quemq.  
Latinitatis auctorem legitur, *Ante diem de-  
cimum Kalendarum*, pro eo quod efferri cō-  
cisius solet, *Decimo Kalēdas*, vel ex Paul-  
li interpretatione facile intelligi potest.  
is enim libro tertio ad legē Iuliam, & Papiam, ex sermo-  
nis consuetudine, veluti illustriori quodam, & magis no-  
to exemplo verbum paullo obscurius declarat. Quære-  
batur porro, an, qui extremo anni die mortuus esset, *Anni-  
culus amissus*, id est, an exegisse annum videretur? & erat  
qui rem in dubium reuocaret, contenderetq. eum omni-  
no Anniculum dici oportere, qui anno circumacto, eo ip-  
so, quo natus esset, die, obijisset. Paullus longe aliter con-  
trouersiam decidendam arbitratus, *Anniculum* interpre-  
tatus est, non qui ipso recurrentis anni natali, sed qui no-  
uissimō anni die, hoc est (vt idem paullo infra exponit) tri-  
centesimo sexagesimo quinto die decessisset. Quo autem  
Iuris consultus sententiam suam recepto, & minime am-  
biguo dicendi more confirmaret, ita scriptum reliquit, vt  
esse in Pandectis Florentinis testatus est Antonius Augu-  
stinus, vir vnde cumque doctissimus, libro Emendationū  
quarto, capite sexto. *Anniculum amittitur, qui extremo anni  
die moritur.* & consuetudo loquendi, ita esse, declarat, *Ante diem  
decimum Kalendarum, Post diem decimum Kalendarum.* Neu-  
tro enim sermone *Indecim dies* significantur. Huius legis sen-



tentia ea mihi videtur, non esse natalis diei recursum expectandum, ut quis Anniculus dicatur, quemadmodum nec significari vndecimum praecedentis mensis a Kalendis. exempli gratia, Ianuarij: cum dicimus ante diem decimum Kalendar. Ianuariar. sed decimum ipsum a Kalendis Ian. qui est vicesimus tertius dies Decembris.

Item non intelligi vndecimum Ianuarij diem, sed decimum ipsum, quando sic loquimur, Post diem decimum Kalendarum. Dies enim Kalendarum, & dies decimus intra numerum accipiuntur: estq. plenior loquendi modus, quam si pronuntiatur Decimo Kalendas per compendium. Nam integra elocutio esset Decimo die ante, vel post Kalendas. id quod multis ac magnis auctoribus possem docere, nisi recitandis exemplis abstinere decrevissem. vnico tantum utar testimonio quinctae epistolae Cic ad Tironem. *Nos apud Alyziam, ex quo locorib. litteras ante dederamus, vnum diem commemorati sumus, quod Quinctus nos consecutus non erat. is dies fuit Non. Nouemb. inde ante lucem proficiscentes ante diem octauum idus Novembris has litteras dedimus.* Plane, ut hoc quoque obiter adnotemus, in plerisque Ciceronis, atque adeo veterum omnium scriptis, pro Ante diem tertium, & quartum, Ad tertium, & quartum corrupte legi, a doctis indicatum est viris. Huiusmodi autem passim erratum facile deprehender, qui ex duabus dictionibus litteris singularibus sic notatis A. D. quae ante diem significant, Ad praepositione ab ignaro librario temere conflata cognouerit. Else autem huc locum Pandectarum in vulgatis mendosum, in quibus sic legitur, *Vtroque sermone vndecima dies significatur*, illud indicio est, quod malam hanc litteram appellat Accursius. Mala autem littera apud doctores nostros accipitur pro textu corrupto. bona vero littera pro lectione germana, & non vitata, ut ex Bartoli verbis colligitur in hoc articulo, de hered. instituend. *Et est, inquit, advertendum, quod*

quidam



*quidam habent hic Quisque, & ista est bona littera; Alij habent hic Quisquis, & ista non est bona. Haec ille. Quod si Petrus Rebuffus diligentius expēdisset, ac rectius intellexisset, numquam profecto in illo suo ad tit. de verbor. signification. libro Antonij Augustini correctionem, & sententiam repudiasset. equidem Augustino assentior, & Rebuffi opiniones reiicendas censeo.*

6  
QVI. SIT. EQVVS. DEXTER  
QVI. SINISTER

In Agitatione & Bigarum certamine.

*Turnebus reprehensus.*



Adrianus Turnebus libro Aduersariorum  
xiv. cap. xxiv. ad illud Horat. Sat. v. lib.  
secund.

*Vis ne tegam spurco Damiae latus,*  
vel, vt in manuscriptis legitur, *Vt ne tegam,*  
Ouidij sententiam assecutus non videtur:

qui *Exterior*, pro *Interior*, reposuerit. Nam, quod Ouidius  
seni dederat, ille ad iuuenem rettulit. Cum senectutē Poe  
ta plurimum semper tributum fuisse, senioresq. a iuniori-  
bus summo cultu, obseruantiaq. affectos testaretur, Fasto-  
rum quarto sic extulit:

*Et medius iuuenum non indignantibus ipsis*

*Ibat, & interior, si comes vnus erat.*

idest: Si cum duobus, pluribusve senex iunioribus progre-  
deretur, in medium recipiebatur: si vero cum vno tantum  
comite natu minore incederet, interior erat senior, eiusq.  
latus a iuniore officij causa tegebatur. Grauius etiā pec-  
cant, qui *Anterior*, legunt: vt sit, secundum eos, sensus, prae-  
ire, ac praecedere grandiores natu, iuniores subsequi ho-  
noris gratia consuesse. Quid hoc ineptius dici potest, in-  
ter duos vna, & pari passu ambulare senem, vni vero addi-  
tum antecedere? Sed redeo ad Turnebum. *Tegere latus* in-  
terpretatur esse, latus sinistrum eius, qui potentior sit, clau-  
dere: & eiusdem Satyrae versum explicans,

*Ne comes exterior, si posulet, ire recuses.*

exteriorem enim, qui ad laeuam fit, & sinistrae locum, ut hodie Romae quoque receptum est, inferioris esse opinatur. Addit praeterea nonnulla, opinionis suae confirmandae gratia. quae omnino falsa sunt: dextrae videlicet maiorem esse habilitatem, & agilitatem, quam laeuae, nosq. facilius in dextram, quam in sinistram conuere solere; flexumq. ad metam dextrum esse interiorem, exteriorem sinistruum: totam denique agitando rationem peruertit. Nam, ubi ad metam flectebatur, breuior quidem gyros erat interior, longior autem exterior: sed interior *Laeuus*, exterior *Dexter* dicebatur. quod non vidit Turnebus, qui sic scripsit: *Ita dexter qui erat interiore flectebat gyros, ut laeuus exteriore. Sed & equus sinisterior ampliorem lustrabat orbem, quam dexterior.* Haec ille. quae longe aliter dicta sunt, quam in usu res ipsa fuerit, & litterarum monumētis prodita. Apud Homerum *ιλιάδ*. *ψ*. Antilochum filium Nestor monet, ut in curiculi agitatione equum dextrum incitet, sinistruum vero metae circumducatur.

*ἀτὰρ τὸν δ' ἐξ ἰοῦ ἵππον*

*κίνας ἀόμοκλήσας ἐξαίτιοι ἡνία χερσίν.*

*Εἰν νόσση δ' ἐ τοῖ ἵππος ἀριστέρος ἐγχευμδάτω.*

quod sic Latinis versibus sumus complexi:

*Quadrupedis ferias dextri sed verberare dorsum*

*Vociferans, laxasq. immittas pronus habenas,*

*Ad metae vero laeuus tibi saxa propinquet.*

**Silius lib. xvi. de bello secundo Punico ludis funebribus:**

*Non umquam effusum sinuabit deuius axem,*

*Sed laeuo interior stringebat tramite metam.*

**Papinius Statius Thebaidos vi. ludis item funebribus:**

*Sperauit flexae circum compendia metae*

*Interius ductis Phoebeius augur habenis*

*Anticipare viam, nec non & Theffalus heros*

*Spe propiore calet, dum non cohibente magistro*

*Spargitur in gyros, dexterq. exerrat Arion.*

Vergilius Aeneidos lib.v.

*Quo tantum mihi dexter abis? huc dirige cursum:*

*Litus ama: & laeuas stringat sine palmula cautes.*

*Altum alij teneant, &c.*

Et paullo post:

*Ille inter nauemq. Gyae scopulosq. sonantes*

*Radit iter laeuum interior: subitusq. priorem*

*Praeterit; & metis tenet aequora cuncta relictis.*

Hic de nauali certamine, illi de bigarum agitatione praclare scripserunt. Tegebat autem, opinor, latus alterius, non qui ad sinistram, sed ad dextram esset. itaque inferioris, & humilioris amici erat ad dexteram locus. qui mos hodie quoque in plerisq. tamen exteris nationibus seruatur. vt pleraq. antiqua Populi Romani instituta in prouinciis transmarinis, & transalpinis resederunt. Apud Turcas certe sinistrae locus honoratior est; dextrae non item. Quod multis argumentis viri doctissimi Bellarminus, & Baronius, post Chassaneum asserunt. Neque verum est, quod ibidem Turnebus dixit, eum, qui in acie nobis ad laeuam adstat, scuto latus sinistrum protegere. Nam, qui ad dextram nobis est, & clypeo nos laeuo inserto brachio tegere, & stricto dextera ense defendere facillime potest. Neque motus, flexusq. in dextram facilius agiliorq. vmquam est habitus, sed multo nos facilius in laeuam conuertimus: quod bene periti architecti in scararum flexu obseruant. Haec ego non accusandi Turnebi studio notauim, sed ne quem tanti viri auctoritas in errorem induceret. Multa doctissime Turnebus vir eruditissimus scripsit, quaedam minus recte ad grauiora properanti exciderunt.



AN . BRITANNOS  
VICERIT . AVGVSTVS.

*Horati, & Suetoni loci Collati.*



Ritannis non solum bellum intulisse Augu-  
stum , sed de ijs etiam triumphasse, ex ijs,  
quae infra scripta sunt, est cognoscere .  
Seruius, enarrans versus illos in 3. Georg.  
apud Verg.

*Et duo rapta manu diverso ex hoste trophaea,  
Bisq. triumphatos Vtroq. ab litore gentes .*

*Occidentis, inquit, propter Britannorum Triumphum. Idem  
paullo supra, ad illum, Purpurea in texti tollant aulaea Britan-  
ni. Nam Augustus, postquam vicit Britanniam, plurimos de ca-  
ptiuis, quos adduxerat, donauit ad officia theatra lia. Christopho-  
rus Landinus in Oden 35, lib. 7. Horat. securus Seruium,  
Defecit, inquit, Britannia post mortem Iulij, quam Caesar. recupe-  
rauit. ergo & de Parthis, &c. & de Britannis triumphauit. &c.  
Vtq. haec parui roboris sint, possunt tamen grauissimis ip-  
sius Horatii sententijs niti. Is lib. 1. Ode 35. sic precatus  
est Fortunam:*

*Serues iturum Caesarem in Vltimos*

*Orbis Britannos, & iuuenum recens*

*Examen Eois timendum*

*Partibus, Oceanoq. Rubro.*

*Et lib. 3. Od. 5. aperte confirmat Britannos ab Augusto  
subactos, his carminibus:*

*Caelo tonantem credidimus Iouem*

*Regnare, praesens diuus habebitur*

*Augustus, adiectis Britannis*

*Imperio, grauibusq. Persis.*

B

Quem

Quem locum explicans Landinus, inquit, *Ex ijs, quae proueniunt a Ioue, illum regnare credimus, nusquam tamen videmus. Augustum autem praesentem intuemur, deumq. cognoscimus ex immortalibus beneficijs in nos collatis, cum & Britānos, & Parthos superauerit.* Coniunxit autem & lib. 1. *carm. ode 21.* Horatius has duas nationes, quae P. R. erant infestae antequam ab Augusto essent domitae. Horatius ad Apollinem:

*Pestemq. a populo & Principe Caesare in  
Persas, atque Britannos  
Vestra motus aget prece.*

Sed hi, & quos subscripsi, versus sunt compositi ante expeditionem. Epod. od. 7.

*Intactus aut Britannus vt descenderet  
Sacra catenatus Via, &c.*

Quare ex ijs necessario sequitur, vt Augustus non bello solum persecutus sit Britannos, sed vero etiam domuerit. Id quod Laeuinus Torrentius vir doctissimus negat in Suetoni Claudio, ad illum locum, *Britanniam potissimum elegit, neque tentatam vlli post Diuum Iulium, et tunc tumultuantem ob non redditos transfugas.* Horatium autem ea de Britannica expeditione & victoria dixisse opinatur Torrentius, quae non re vera fuerint, sed quae ipse Poeta futura crediderit. Suetoni locus de mendo suspectus esse potest: nam in altero meo antiquo non *Tentatam*, sed *Depredatam* est legere. praeter quam quod Strabo lib. 4. aperte narrat, suo tempore Britannorum legatos Augusto Caesari, Populoq. Romano vniuersam fere Insulam propriam, familiaremq. instruxisse.

C V R

## HADRIATICVM. MARE

AESTVOSVM.



Vaesitum est, cur ab Horatio in mari Hadriatico foediores, quam alibi, tempestates excitari dicantur. Ego, quid sentiam, paucis exponam. Primum nego apud Horatium esse scriptum expresse, Hadriam praeter cetera maria saeuire: quamuis ex subiectis locis & tempestuosum esse, & aestus maximos vento in primis Austro flante commouere, facile intelligam. Ode 3. lib. 1.

— nec rabiem Noti,

Quo non arbiter Hadriae

Maior, tollere, seu ponere vult freta.

Ode 14. lib. 2.

Fractisq. rauci fluctibus Hadriae.

Ode 3. lib. 3.

— neque Austro

Dux inquieti turbidus Hadriae.

Ode 9. lib. 3.

— improbo

Iracundior Hadria.

Ode 27. lib. 3.

— ego quid sit ater

Hadriae noui sinus, & quid albus

Peccet Iapix.

Hostium vxores, pueriq. caecos

Sentiant motus Orientis Austri, &

Aequoris nigri fremitum, & trementes

Verbere ripas.

Deinde, vt demus, ex ijs locis colligi, quod in quaestione positum est, & vtamur philosophorum aliqua ratione, dico, in mari Hadriatico atras, & saevas tempestates excitari truculentius, propterea quod arcte, & anguste conclusus est is sinus. id quod in freris propter angustias accidere ignorat nemo. Illud sane frigidum est, non esse Hadriam re vera adeo violentum, sed videri solitum Romanis, qui in prouincias, addo etiam in Graeciam studiorum causa ex Italia nauibus trans mittebantur. Quid enim respondemus nostri temporis hominibus, qui frequenter quidem, sed summo cum periculo vitae, & fortunarum, eo mari vtuntur? Quid Graecis, & ijs, qui, ante quam Romanorum arma transmarinis cognita essent, valde Hadriam formidabant? Aeschines quidem certe, cum in mores Demosthenis inueheretur vehementius, inquit, illum ita difficilem, durum, morosum, atque inconstantem fuisse, vt cum Hadria satius fuerit, quam cum illo negotium habere. Haec sunt, quae de proposita quaestione habui dicere.



# NVM. VETERIBVS

## INSIGNIA. FVERINT

*Collati Illustrum Poetarum loci.*



Vaerebatur apud amicū meum, num veteribus Insignia fuissent: cumq. ipse forte interesset, dixissemque, multa esse apud Latinos Poetas huius rei exempla, vnumq. ex Quidio de Thesei agnitione exstare dixissem, tandem amicus meus, longe aliter a Plutarcho rem exponi, dixit, quippe qui cultello super mensa ad carnes appositae incidendas districto ab Aegeo patre Theseum filium agnitū scripserit, neque de insignibus in cultello insculptis mentionem fecerit. eaq. tantum filij indicia esse voluerit, quae Pater apud Matrem grauidam calceos scilicet, & cultellum sub cauo lapide reliquerat. Ego vero, digressus domum, Quidium sumpsi. reperi, ut dixerā, libro Metamorphoseos septimo sic scriptum:

*Agrestes Aconita vocant. ea coniugis astu*

*Ipse parens Aegeus nato porrexit, ut hosti.*

*Sumpserat ignara Theseus data pocula dextra;*

*Cum Pater in capulo gladij cognouit eburno*

*Signa sui generis, facinusq. excussit ab ore.*

Vergilius libro septimo nonnulla militum in Clypeis expressa signa explicat, his versibus:

*Pulcher Auentinus: clypeoq. in signe paternum*

*Centum Angues, cinctamq. gerit serpentibus Hydram.*

Et infra:

*Ipse inter primos praestanti corpore Turnus*

*Vertitur, arma tenens, & toto vertice supra est.*

*Cui*

*Cui triplici crinita iuba galea alta Chimaeram  
Sustinet, Aetnaeos efflantem faucibus ignes.  
Tam magis illa fremens, & tristibus effera flammis,  
Quam magis effuso crudeſcunt ſanguine pugnae.  
At leuem clypeum ſublatis cornibus Io  
Auro inſignibat, iam ſetis obſita, iam bos,  
Argumentum ingens, & cuſtos virginis Argus,  
Caelataq. amnem fundens Pater Inachus Vrna.*

**Valerius Flaccus lib. ſexto Argonaut.**

*Cuncta phalanx inſigne Iouis, caelataq. geſtat,  
Tegmina, diſperſos triſidis ardoribus ignes.  
Nec primus, radios miles Romane, coruſci  
Fulminis, & rutilas ſcutis diffuderis alas.  
Inſuper auratos collegerat ipſe Dracones,  
Matris orae ſpecimen, linguiſq. aduerſus vterque  
Congruit, & tereti ſerpens dat vulnere gemmae.*

**Et paullo infra:**

*Hos ſuper erectam Phalces agit aequare nubem  
Cum fremitu, denſiq. leuant vexilla coralli,  
Barbaricae quis ſigna rotae, ferrataq. dorſo  
Forma ſuum, truncaeq. Iouis ſimulacra columnae.*

**Claudianus in Conſulatum Proбини, & Olybrij, de Roma  
Clypeo:**

*Flara cruentarum praetenditur Umbra iubarum:  
Et formidato clypeus Titana laceſſit  
Lumine, quem tota variarat Mulciber arte:  
Hic patrius Mauortis amor, fetusq. notantur  
Romulei: poſt amnis ineſt, & bellua nutrix;  
Electio Tiberis, Pueri formantur in auro:  
Tingunt aera Lupam, Mauors adamantæ coruſcat.*

15  
23

# VERGILI . LOCVS

COLLATIONE . ALIQVOT

POETARVM . EXPLICATVS

*Seruius reprehensus.*



Ectius omnino quotquot ex veterib. Vergilium imitati sunt Poetae Vergili sensa affecuti sunt, quam qui Commentarios in illum scripserunt. Seruius quidem alioqui eruditissimus labitur in explicatione Aeneid. 1. ad illum locum,

— *Veribusq. trementia figunt.*

*Litore athena locant alij :*

*Athena locant, inquit, quibus utebantur non ad elixandas carnes, sed ad saluandos. Heroicis enim temporibus carne non vescerentur elixa. Haec ille. quae quam vera sint, ex ijs, quae infra subiiciemus, apparet.*

Ouidius libro Metamorphoseos primo :

*Atq. ita semineces partim feruentibus artus  
Mollit aquis, partim subiecto torruit igni.*

Valerius Flaccus lib. Arg. octauo :

*Mox epulas, & sacra parant siluestria laeti  
Praemia venatu facili quae sita supersunt.  
Pars verubus, pars vndanti despumat atheno.*

Seneca in Thyeste, actu 4.

*Haec verubus haerent viscera, & lentis data  
Stillant caminis: illa flammatus la tex  
Quaerente atheno iacet.*

Iuue-

## Iuuenalis Satyra XV.

—*nec ardeni decoxit ahen,*

*Aut verubus.*

Claudianus libro in Eutropium secundo:

*Quas figat verubus partes, quae frustra calenti*

*Mandet aquae.*



17 24

# VERGILI. ET. STATI

## LOCI. COLLATI



Illigentissimus Vergili obseruator, & imitator  
Papinius Statius exstitit. id quod & ipse te-  
statur est libro Siluarum quarto ad Marcel-  
lum:

— *tenuēs ignauo pollice chordas*

*Pulso, Maroneiq. sedens in margine templi,*

*Sumo animum, & magni tumulis accanto magistri.*

Quare mirandum non est, si ad magistri imaginem  
carmen suum plerumq. format. Quis non voluptate per-  
funditur summa, cum libro Thebaïdos primo conui-  
uium Vergilianum, & Regium cultum expressum videt?

— *adolere focos, epulasq. recentes*

*Instaurare iubet. dictis parere ministri*

*Certatim accelerant. vario strepit icta tumultu*

*Regia, pars ostro tenuēs, auroq. sonantes*

*Emunire toros, altosq. inferre tapetas.*

*Pars teretes leuare manu, ac disponere mensas.*

*Ast alij tenebras, & opacā vincere noctem.*

*Aggressi, tendunt auratis vincula lychnis.*

Reliqua hic, ne longum faciam, supersedeo describe-  
re. Ea si conferet harum rerum studiosus cum Vergilia-  
na cena, quam Aeneae Dido exhibuit, operam nō ludet.  
Veram enim imitandi rationem percipiet.

## VERGILI . LOCVS

A . STATIO . EXPRESSVS



Apinius item Statius luculenter Vergilianum  
illud expreſſit, quod libro Aeneidos ſecundo  
legitur:

—neque enim reſponſa dabantur

*Fida ſatis.*

Sic enim libro Thebaidos ſecundo ille:

—nec reddita contra

*Vox, fidamq. negant ſuſpecta ſilentia pacem.*

## INFRENIS . QVID . SIT

Aduerſus Seruium, & Donatum.



Ale Seruius interpretatur apud Vergiliū libro  
decimo vocem *Infrenis*, ad illum verſum,

*Illum infrenis equi lapſu tellure iacentem.*

*Infrenem* enim, eſſe aſperrimū, dicit. Nos ve-  
ro *Infrenem*, ſiue *Infrenum*, dictum contēdimus, quod nul-  
lo regeretur freno. Peſſime autem Donatus ad illud lib.  
Aeneid. iv.

*Et Numidae infreni cingunt.*

*Infrenos* enim, indomitos eſſe, comminiſcitur. Optime  
omnino Silius Italicus, orator, & poeta clariffimus, quiq.  
Latinae linguae vim, proprietatēq. optime callebat, l. i.

*Hic paſſim exſultant Numidae, gens inſcia freni,*

*Quis inter geminas per ludum mobilis aures*

*Quadrupedem ſelectit non cedens virga lupatis.*

Et lib. ſecundo:

—nullaq. levis Getulus habena.

OLYM-

# OLYMPI. APVD. VERGILIUM RECTE. SCRIPTUM

Reiectae multorum castigationes. Patrius Casus  
per simplicem tertiam vocalem in soluta  
quoq. oratione contra Prisciani  
sententiam scribendus.

**P**rimus decimi Aeneidos libri versus mul-  
torum ingenia multū exercuit: variatūq.  
in lectione & sensu duarum vocū postre-  
marum fuisse inuenio. Nam fuere, qui nō  
*Omnipotentis*, sed *Omnipotentis*, quod caelū  
ab omni parte pateat, vel potius *Omnipa-*  
*rentis*; nec defuerunt, qui *Omnipotentis*, quod Iouis epithe-  
ton est, reponendum censuerint; sed pro *Olympi* substan-  
tuo adiectiuum substituerint, & ad *Domum* rettulerint, vt  
esset, *Domus Olympia*. quorum omniū sententias, atq. opi-  
niones subuertit doctissimus L. Caecilius Minucianus. Is  
libello de Orthographia hac de re sic scriptum reliquit:  
*Olympius appellatur Iuppiter. Ennius:*  
*Decepsit Olympius.*

*Vergilius:*

*Panditur interea domus omnipotentis Olympi.*

*Domitius Marfus inter cognomina Iouis ponit Olympius.*  
*Nacuius:*

*Panditur interea domus omnipotentis Olympi.*

Hæc Caecilius.

Hinc factum videtur, quamobrē in manuscriptis libris sit,  
*Omnipotentis Olympi.*

Cum enim *Olympius*, Iouis cognomen sit, & *Domus*  
*Olympi*, idest Iouis domus a Vergilio dicatur, recte *Om-*  
*nipotentis* epitheton adiunctum est. Quod tamen non vi-  
derunt

derunt pleriq. doctissimi viri. Neque est, quod Olympi, patrio casu, per simplicem tertiam vocalem, non autē per geminam, hoc modo, Olympij, negotiū facessat. Frequentior enim est eius vsus apud optimum quemq. Latinitatis auctorem, quam nos recensere possumus. Verg. Ecloga 1.

*Nec spes libertatis erat, nec cura peculi.*

Et:

*Pauperis & tuguri congestum cespitem culmen.*

Et libro Aeneidos primo:

*Hic tamen ille urbem Pataui, sedesq. locauit*

*Teucrorum, Pro, Peculij, Tugurij, Patauij.*

Hortensi, pro, Hortensij. Lucanus lib. 2.

*Pulsatae sonuere fores: quas sancta relicto*

*Hortensi macrens irrupit Marcia busto.*

Terenti, pro, Terentij. Horatius Sat. l. i. Sat. 2.

— pater ille, Terenti, &c.

Et Carm. primo, Od. 29.

*Libros Panaeti, Socraticam & domum.*

Pro, Panaetij. Quod multis in locis fecit auit. lib. j. Sat. 5.

*Inde forum Appi.*

Et Epist. lib. i. epist. 6.

*Porticus Agrippae, & via te conspexerit Appi.*

Et ibidem, epist. 18.

*Brundisium Numici melius via ducat, an Appi.*

Et Epist. lib. 2. epist. 9.

*Septimius Claudii nimirum intelligit vnus.*

Et ibidem, epist. 12.

*Cantaber Agrippae, Claudii virtute Neronis*

*Armenius cecidit. Appi, Claudii, pro, Appij, Claudij.*

Priscianus libro septimo fatetur quidem, veteres poetas subtrahere solitos alteram in genitiuis geminantibus tertiam vocalem. vt Verg. Georg. quarto:

*Illo Vergilium me tempore dulcis alebat*

*Parthenope, studijs florentem ignobilis oti.*



Sed id metri caussa factum adiungit. Ego vero nec vlla carminis necessitate factam eiusmodi vocalis abiectionē dixerim, nam in soluta oratione idem factitatum. quod facile ijs probabo, qui oculos, mētemq. ad veteres inscriptiones conuertunt.

I . O . M . D

PRO . SALVTE . AVGG . NN  
L . SEPTIMI . SEVERI . PII  
PERTINACIS . ET . M  
AVRELI . ANTONINI . PII  
FELICIS . AVG . ET  
IVLIAE . AVG . ET . S . P . Q . R  
SEMNVS . AVGG . NN . LIB . OPTIO  
TABELLARIORVM . STATIONIS  
MARMORVM . ARAM . POSVIT  
Vides, Septimi, Aureli, pro, Septimij, Aurelij.

*Apud Delphinios.*

TI . CLAVDIVS  
LEMNVS  
DIVI . CLAVDI  
AVGVSTI . LIB  
A . STVDIIS

Ibidem:

STATI . CASSI . AELI  
STATILI . est legere; pro, Statij, Cassij,  
Aelij, & Statilij.

QVID

# QVID . SIBI . VELIT

ARATRV. MVRIS. INDVCERE

*Collatus Modestini I. C. locus  
cum Horatiano.*



Ratri in vrbes demolitas, ac dirutas indu-  
ctione, ius ciuitatis amissum significari, at  
que ex vrbe agrum factum, notum est. id  
quod a nostris Iurisconsultis diserte tradi-  
tur. Modestinus I. Si vsus. Quibus modis  
vsus. amittatur. Si vsus fructus, inquit, cui  
rati legetur, & aratrum in eam inducatur, ciuitas esse desinit, ut  
Carthago passa est. Ideoq. quasi morte desinit habere vsu fru-  
ctum. Horatius vero libro Carminum primo, Ode 16. hoc  
iplum tetigit:

*Irae Thyesten exitio graui  
Strauere, & altis vrbibus vltimae  
Stetere caussae, cur perirent  
Funditus, imprimeretq. muris  
Hostile aratrum exercitus insolens.*

## SIDERA . PRO . SINGVLIS . STELLIS

Aeger, pro Aegroto: reiecta quorundam  
scrupulosa proprietatis obseruatione.



Micus meus, homo pereruditus, valde pro-  
prietatis amator, neque Sidera pro Stellis, ne-  
que Aegrum pro Aegroto Latine dici con-  
tendebat. Quod Sidus proprie sit plurium stel-  
larum signum, & Aegritudo, vnde Aeger, ab Aegrotatio-  
ne

ne multū differat. haec enim corporis est, illa vero ad animum pertinet. Quae quamquam ita sint, & vere, atque erudite differantur, aliter tamen vsurpari passim video. Haec autem a me libere libenter vindicantur, quod Latinae linguae studiosis consultum volo, ne qua sollicitudo, aut scrupulus scribentes torqueat, aut remoretur. Vergilius pro singulis stellis, non autem pro stellarum conuentu, libro Aeneidos quinto Sidera extulisse facile videtur:

—caelo ceu saepe refixa

*Transcurreunt, crinemq. volantia sidera ducunt.*

Et libro secundo:

—Et iam nox humida caelo

*Precipitat: suadentq. cadentia sidera somnos.*

Non enim cum ipsa nocte Navis, Anguis, Coruus, Orion, Erigone, & reliqua signa, sed singulae stellae occidunt. Sexcentis prope locis Sidera a Vergilio, & Horatio large pro Stellis quibuscumque accepta dixerim. Cicero Tusculanis quaestionibus lib. v. *Cum sidera viderit innumerabilia caelo inhaerentia cum ipsius mundi motu congruere certis infixa sedibus, septem alia suos quoq. tenere cursus, multum inter se aut altitudine, aut humilitate distantia. Eodem sensu aliis in locis ab eodem Sidera efferuntur.*

AEGER autem quamvis animo quis dicatur, & ab aegritudine non multum absit, tamen, Aegrum ad corpus referri, saepe numero reperio. Cicero epist. ad Tironem decima: *Ne nauis molestiam suscipias aeger.* Et epist. xi. *Cave festines, aut committas, ut aut aeger, aut hieme nauiges.* Et ad Atticum, libro sexto: *Tiro ad te dedisset litteras, nisi eum graviter aegrum reliquisset.* De Natura Deorum, lib. 2. *Ne aegri quidem omnes conualescunt.* Horatius Sat. quarta lib. i.

—auidos vicinum funus ut aegros

*Exanimat, mortisq. metu sibi parcere cogit.*

Idem

Idem ad Vaalam :

— *Vicus gemit inuidus aegris,  
Qui caput & stomachum supponere fontibus audent.*

Et ad Pisones :

— *Velut aegri somnia .*

Vergilius lib. Georg. 111.

— *& quatit aegros  
Tussis anhelasues.*

Lucretius lib. 111.

*Non alio pacto, quam si pes cum dolet aegri .*

Idem lib. 2.

*Quae non audierit mixtos vagitibus aegris .*

Lib. 111.

— *doloribus aegris.*

Et :

— *quod nimis aegris*

*Luctibus indulges .*

Hinc intelliges, licere pro' arbitrio, & vt commodum est, modo praepondere, modo postponere adiectiuas, & Aegrum, tum ad corpus, tum ad animum referri.




28  
MATRIMONIA

CVM . FRATRVM . VXORIBVS

D A M N A T A

Aegyptiorum, & Iudaeorum instituta super ea re  
Defensus Imp. Zeno. Connanus  
reprehensus.



Vt Pontificio quantumuis extincta affinitas prohibet matrimonium viri cum omnibus vxoris mortuae vsque ad quartum gradum, & item mulieris cum omnibus, qui virum suum defunctum ea proximitate attingebant. c. 1. de consang.

& affin. *Tantum abest, vxorem fratris mortui ducere vt nobis liceat. c. ult. de diuortiis. & l. fratris vxorem. C. de incest. quamuis id necesse esset fratri superstiti apud Iudaeos, facere, si frater eius liberos ex vxore sua non suscepisset. Deuteronomij cap. 25. vbi sic legitur: Si simul habitauerint, mortuusq. fuerit alter eorum, ne nubat vxor mortui alieno viro foris, sed accipiet eam frater eius, & suscitabit semen fratris sui, & primogenitum ex ea filium nomine illius appellabit, vt non deleatur nomen eius ex Israel. & quae sequuntur.*

Hanc esse legem putat Connanus libro Iuris Ciuilis 18. cap. 5. quam Imp. Zeno Aegyptiis tribuit. I. licet quidam, C. de incestis nuptiis, qua fratrum vxores licet virgines ducendi facultas adimitur: ac Zenonem alucinatum esse ostendere conatur. Ego vero Principem prudentissimum non adeo in sua ditione peregrinum, neque adeo instituti Aegyptiorum imperitum puto, vt haec ignorarit.

D

rit.

rit. Nemo autem est, qui nesciat, alios esse Iudaeos, alios Aegyptios. neque est, quod quisquam obijciat, fuisse Iudaeos diu apud Aegyptios. nam eius rei apud Populum Romanum orbis terrarum dominum ratio non habebatur, qui Iudaeam, qui Aegyptum in prouinciæ formā redactas, & discretas haberet. Illud sane constat, aliam fuisse legem Aegyptiorum ab ea, qua Iudaei utebantur. Siquidem Imp. Zeno permissas Aegyptiis cum fratrum vxoribus matrimonio nondum consummato ciuibus Romanis ademit. Nam, quamuis corpore vxor mortui fratris cum eo numquam copulata esset, voluntate certe, & iure coniuncta videbatur. Iudaeorum vero lex vxorem fratris, cognitam quidem a defuncto, sed non grauidam, neque matrem factam, fratri superstiti ducendam dabat, vt ex ea ipse filium susceperet, qui fratris mortui & nomen referret, & filius diceretur. Quare Imp. Zenonem nulla in re halucinatum arbitror, qui Aegyptiorum institutum nominatim damnarat; quod apud eos liceret fratri fratris vxorem ducere, modo esset virgo, neque se cum altero fratre commiscuisset: cuius condicionis ratio Iudaeis non erat habenda.

## LIBERTINI

## Q V I



Vetonijs Tranquillus in D. Claudio scriptum reliquit, *Libertinos antiquis reip. temporibus dictos fuisse, non eos ipsos, qui manumissi essent, sed eorum filios.* Quod nusquam apud bonos auctores reperio. Quare verius esse opinor, quod a plerisque doctis viris receptum est, Libertos dici, cum ad Patronos referuntur, eosdem vero Libertinos appellari, cum ingenuis opponuntur, & conditionis libertinae homines significamus. Plautus Libertinam, non Libertam, quae vindicta manumissa esset, aperte ostendit in Milite glorioso:

Pyrgopol. *Quid? ea ingenua, ex festuca facta, serva an libera est?*

Palaeſtrio *Vah, ego ne ut ad te ab libertina esse auderem internuntius.*

Donatus in Terentij Andriam, *Feci e seruo ut esses libertus mihi:*

*Mihi, inquit, ideo additum est, quia libertus ad aliquem dicitur.*  
Dionysius Lambinus ad illud Horat. Sat. vj. lib. i.

*Cum referre negas, quali sit quisq. parente  
Natus, dum ingenuus.*

*Ingenuus, inquit, erat Horatius, si ingenuus est is, cuius pater servitutem non serviuit. Nam antiquo iure civili Libertini a Libertis differebant. Cum Liberti sint serui manumissi, Libertini autem libertorum filij. quam distinctionem Imperatores sustulerunt.* Haec ut ita Lambinus differeret, Suetonij locus, opinor, effecit. Vnde autem didicerit, libertinorum, & libertorum discrimē ab Imperatoribus sublatum, ignoro, somniasse hominem puto. Plautus certe, qui longe ante liber-

tatem ab Imperatoribus oppressam vixit, nullam talem inter eiusmodi appellationes differentiam extitisse ostendit, cum libertinam eam ipsam nominat, quae patroni sui liberta erat. Equidem Liuius libro nono extremo, libertinorum filios ab Ap. Claudio Censore in senatum lectos prodit, sed libertorum filios fuisse libertinos non adseribit. Quod est apud Suetonium mendose, vt mea fert opinio, his verbis:

*Latum Clauum Libertini filio tribuit. cuius rei reprehensionem verens, etiam Ap. Caccum Censorem, generis sui proauctorem, libertinorum filios in Senatum allegisse docuit. ignarus, temporibus Appij, & deinceps aliquādiu, Libertinos dictos, non ipsos qui manumitterentur, sed ingenuos ex his procreatos. Laeuinus autem Torrentius ad eum Suetonij locum multa erudite congeffit. Verum duo ibi ab eo disputata sunt, quae mihi non probantur, primum ex libro de viris illustribus locum proferit, eoq. mirum in modum innititur, neque locum, neque librum suspectum habet. deinde, credit, libertinae condicionis homines ab Appio in Senatum lectos; proindeq. lectionem eius infamem, & ignominiosam a Liuiio dici, qui libro nono extremo, vt diximus, non libertinos, sed libertorum filios in Senatum legisse Appium, scriptum reliquit. quae ipsa Appij lectio infamis, & ignominiosa est habita. Nam libertinorum filij, quamquam ipsi ingenui, qui numquam seruitutem seruissent, dicerentur, & liberi nati non facti essent, inter obscuras, & viles personas numerabantur, quod non ex ingenuis essent orti parentibus. Libet hoc loco proferre legem septimam, C. de incestis & inutil. nuptiis, quae ad hanc rem mire facit, & tenuiorum dignitatem tuetur: *Humilem vel abiectam feminam minime iudicamus intelligi, quae, licet pauper, ab ingenuis tamen parentibus nata sit. Vnde licere statuimus Senatoribus, & quibuscumq. amplissimis dignitatibus praeditis, ex ingenuis parentibus natas, quamuis pauperes, in matrimonium sibi**



sibi accipere, nullamq. inter ingenuas, & opulentioresex diuitijs, & opulentiore fortuna esse distantiam. Humiles vero, abiectasq. personas eas tantummodo mulieres esse censemus: ancillam, ancillae filiam; libertam, libertae filiam; scaenicam, scaenicae filiam; tabernariam, tabernarij, vel lenonis, aut arenarij filiam, aut eam, quae mercimonijs publicis praefuit. Ideoque huiusmodi inhibuisse nuptias Senatoribus harum feminarum, quas modo enumerauimus, aequum est. Torrentij verba subiiciam: Sic enim auctor de Viris illustribus: Ap. Claudius Caecus in Censura libertinos quoque in Senatum legit. quam ob causam, ut puto, Liuius lib. ix. lectionem eius in Senatum infamem, & ignominiosam vocat. Ceterum, cum libertinos ille, Suetonius vero Libertinorum filios ab Appio in Senatum lectos scribit, Libertinos illic pro his qui libertini generis fuerunt, accipio: ut Libertinitas, & Ingenuitas, pro libertini, vel ingenui statu ponitur apud Sabinum, l. ii. Si libertus ingenuus esse dicatur, alioqui sequeretur, Appium libertorum filios allegisse, quod Sueton. negat, & recte sane.

## DE . TRIBV . CAMILIA

EXTRA . XXXV . NVMERVM



Raeter triginta quinque illas insigniores Tribus, reperiuntur aliquot aliarum nomina, quae diligenter Onuphrius Panuinius in libro Ciuitatis Romanae congestit. CAMILIAE vero nomen incertus est quo modo legendum sit in antiquis monumentis compendio litterarum notatum. Non enim absolute, & integre insculptum est, sed vsque ad tertiam litteram, vel quintam perductum, sic, CAM . CAMIL . Quare interpretatus est varie, CAMILLAM. CA.

CAMILLIAM . & CAMILLINAM . Nos sine  
vlla dubitatione vnico L. per octo litteras scribi oportere,  
ex inscriptione, cuius exemplum infra scriptū est didicimus,  
hoc modo, C A M I L I A . Is autem lapis Via Salaria nuper  
effossus apud Alexandrum Rondonum statuarium ad Montem Pincium visitur.

D . M

L . AVRELIVS . L . FIL  
C A M I L I A : F I R M V S  
B A G E N N I S . M I L . C O H  
X I . V R B . > . N I G R I N I  
V I X . A N N . X L . M I L . A N . X X I  
T E S T A M E N T O : P O N  
I V S S I T

E X . C O N S V L E

E X . Q V A E S T O R E

Q V I . V O C A R E N T V R



Arie a viris eruditissimis de his vocibus,  
Ex Consule, Ex Quaestore, Ex Praefecto,  
Ex Praetore, & id genus reliquis, disputatum est.  
Alciatus libro Disputationum quarto, capite tertio, in eam potius  
discedit, quam Mysingerus Institutionū initio amplectitur.  
atque Ex Quaestore eundem esse putat, qui sine praepositionis adiectione Quaestor dictus  
est. idem etiam de ceteris dicendum censet. Quamquam  
incer-

incertus est, & parum constans. Ego, praeter P. Criniti opinionem, quae Alciato probatur, Auctores laudabo, quod vnum in Crinito Alciatus desiderat, grauissimoque veterum Conciliorum testimonio eiusmodi appellationes perinde valere, ac si Consularem, Quaestorium, & Praetorium dicerem. quo modo olim, qui Consulatam, Quaesturam, & Praeturam gesserant, vocabantur. Nam, cum Imperatores ius Consularitatis, Praetoriatum, Quaestoriatum quibusdam dare coepissent, qui numquam illos magistratus gesserant, coeperunt ij, qui vere fuerant in magistratu, non iam amplius Consulares, aut Quaestorios se vocare: ita enim vocabantur etiam, quibus hoc Principalitantum beneficio tributum erat: sed Ex Consule, Ex Quaestore, & sic in ceteris. Scribendum autem, atque efferendum sexto casu, vt Ex Cubiculariis, Ex Archiatris, & Ex Protectorijs, qui ijs muneribus facti sunt. quod Antonius Augustinus libro Emendationum tertio, capite tertio, erudite confirmat. Ex eo autem quod lib. xii. C. de Quaestoribus, l. vnica, initio habetur in libris impressis, *Qui ex Quaesturae honore*, putant nonnulli vnicam dictionem esse; aucta praepositione, per omnes casus, numerosque variabilem: vt Quaesturae nomen, sine praepositione, Ex. Ego falli eos puto; ac duas orationis partes seiunctas esse, neque in vnam dictionem coalescere posse existimo; praepositionemque, Ex, pertinere non ad proximam vocem Quaesturae, sed ad alteram longius distitam puto; vt sit, Ex honore Quaesturae: quod transpositionis genus elegans est, & Latinis consuetum. Praeterquam quod in manuscriptis libris est legere, sine vlla praepositionis adiectione, Quaesturae honore. Nunc ad testimonia veterum Sanctorum Conciliorum venio, quibus confirmo, Ex Consulibus, Ex Praetoribus, Ex Quaestoribus, fuisse dictos, qui eos honores gessissent, non qui gererent. quasi dixeris, non esse Consulem, sed Ex Consule, id est Ex Consulibus



fulis honore, & imperio abiisse. Hoc autem ita esse, facile iudicabit, qui, cum duos tantum singulis annis Consul ordinarios fuisse norit, longe vero plures vno tempore in sacris Conciliis recenserit Ex Consulibus animaduertet. Illud adiungo, in iisdem Conciliis Praefectos dici, qui Praefecturam gererent; Ex Praefectis autem, qui Praefectura functi essent; additumque numerum, quotiens quis eum honorem gessisset; hoc modo, ut habetur in Actione prima Synodi Chalcedonensis, Ex Praefecto Praetorij sexies: Eius initium adscribam.

*In Nomine Domini Nostri Iesu Christi, Consulatu pijsimi, & amatoris Christi Imperatoris Flauij Marciani, perpetuo Augusti, & qui fuerit nuntiatus sub die octauo idus Octobris, indictione quarta, in Chalcedonensi ciuitate, Metropoli Prouinciae Bithyniae, facta est synodus ex decreto pijsimorum, & fidelissimorum Imperatorum Valentiani, & Marciani, congregatis in Ecclesia sanctae, ac triumphatricis Martyris Euphemiae gloriosissimis iudicibus, id est magnificentissimo, & gloriosissimo Magistro militum, & Ex Consule ordinario, ac Patricio Anatolio; & magnificentissimo, & gloriosissimo Praefecto sacrorum Praetoriorum Palladio; & magnificentissimo, & gloriosissimo Praefecto Urbis Daciano; & magnificentissimo, & gloriosissimo Vincomalo; & magnificentissimo, & gloriosissimo Ex Magistro Martiali; & magnificentissimo Comite deuotissimorum domesticorum Sporatio; & magnificentissimo Comite rerum priuatarum Genethlio. Appositis etiam ex glorioso Senatu, id est, magnificentissimo & gloriosissimo Ex Praefecto Praetorij sexies; & Ex Consule ordinario, ac Patricio Florentio; & magnificentissimo, & gloriosissimo Consule ordinario, & Patricio Senatore; & magnificentissimo, & gloriosissimo Ex Magistro officiorum, & Ex Consule ordinario, ac Patricio Nonio; & magnificentissimo, & gloriosissimo, Ex Praefecto, & Ex Consule Ordinario, ac Patricio Protergone, & magnificentissimo, & gloriosissimo, Ex Praefecto Urbis Theodoro, & magnificentissimo, & gloriosissimo, Ex Praefecto*



*fecto Urbis Apollonio; & magnificentissimo, & gloriosissimo, Ex Praeposito sacri Cubiculi Romano; & magnificentissimo, & gloriosissimo, Ex Praefecto Illyrici Theodoro; & magnificentissimo, & gloriosissimo, Ex Praefecto Praetoriorum Constantino; & magnificentissimo, & gloriosissimo, Ex Praeposito Sacri Cubiculi Artaxerxe; & magnificentissimo, & gloriosissimo, Ex Praefecto Illyrici Eulogio.*

Vides hic, recenferi quinque Ex Consulibus, idest Consulares: quos si Consules interpretaris, vno eodēq. tempore sex Consules ordinarij, ne suffectos putes, existisse videbuntur. Nam Imperator Flavius Marcianus Consulatū eo ipso anno gerebat. Idem dicendum de Praefecto Urbis, Praefecto Praetorij, Praefecto Illyrici, quos vno eodemq. tempore magistratus a pluribus gestos absurdum est fateri: plures autem vni tantum honores congestos eodem tempore, putidum est affirmare. Quare dicendum est, Ex Consulibus, Ex Praetoribus, Ex Praefectis, Ex Quaestoribus, non esse Consules, Praetores, Praefectos, Quaestores, sed Consulares, Praetorios, Praefectorios, & Quaestorios, idest, qui his magistratibus functi essent actu, & opere, ad differentiam eorum, qui honorarij dicebantur. quibus tantum Consularia, & Praetoria ornamenta, non autem Consulatus & Praetura, beneficio Principis concessa essent. Vides item hic, Palladium, Praefectum Praetoriorum, & Tatianum, Praefectum Urbis, qui Praefecturas gererent; Florentium autem, Ex Praefecto Praetorij, & Constantinum, Ex Praefecto Praetoriorum; & Theodorum, Ex Praefecto Urbis; & Apollonium item, Ex Praefecto Urbis; qui Praefecturis eiusmodi functi essent. Plura qui volet, ex reliquis eiusdem Synodi Actionibus petet. Plura item in Constantinopolitani Concilij Actionibus habentur, quae ad

E

hanc

hanc rem pertinent . Non posse autem haec nomina per casus flecti, sed praelatae praepositioni sexto casu tantum seruire, argumento est lapis apud Glorierios, ad laeuam exesus, quem punctis, notato litterarum, quae desiderantur, numero, suppletum excudendum curauimus.

D. D. N. N. FL. VALENTINIANO. ET. GRATIANO

R A T O R I B V S . S V I S

CEIONIVS . RVFIVS . VOLV . . SI  
ANVS . V . C . ET . INLVSTR . . IS  
EX . VICARIO . ASIE . ET . CEIO  
NI . RVFI . VOLVSIANI . V . C  
ET . INLVSTRIS . EX . PREFECTO . . PRE  
TORIO . ET . EX . PREFECTO . VR . . BIS  
ET . CECINE . LOLLIANE . CLAR . . ISSI  
ME . ET . INLVSTRIS . FEMIN . . E  
DEAE . ISIDIS . SACERDOTIS . FI . . LIVS  
ITERATO . VIGINTI . ANNIS . EX . P . . ERCEP  
TIS . TAVROBOLIIS . VI . ARAM . CONSTITV . . IT  
ET . CONSECRAVIT . X . KAL . IVN . D . N . VA . . IEN  
TINIANO . AVG . ET . NEOTERIO . C . . . ONSS

# GRATES · AGI

RECTE · DICVNTVR



**R**IVOLA sunt pleraq. de differentiis, & proprietate sermonis, quae circumferuntur. Illud in primis falsum est, quod dicitur, inter Grates, & Gratias hoc interesse, quod Grates referimus, Gratias agimus. Nullum enim discrimen harum vocum apud veteres animadverti. Ovidius certe Agendi verbo Grates coniunxit, in Ibin:

*Huic igitur meritas grates, utcumque licebit,  
Pro tam mansueto pectore semper agam.*

Cicero de Somnio Scipionis: *Et grates inquit tibi ago, summe Sol, vobisq. reliqui Caelites.* Liuius lib. x. *Laeti, atque alacres, Dijs, Populoq. Romano grates agunt.*

Vergilius lib. Aeneid. primo Persoluendi, idest, referendi verbo adiunxit:

*— grates persolvere dignas  
Non opis est nostrae.*

Quemadmodum autem Gratias Agere, & Referre; sic Grates Agere, Persolvere, & Referre, Latine dicimus. Quod si quid interesse quispiam velit, Grates vel carminis necessitati, vel antiquitatis honori concedi, libentius dixerim.

## S O L S T I T I V M

S I V E . S O L S T I T I A

numero multitudinis, pro Aestiuo tantum.

*Vergili locus illustratus.*

VL T O S, linguae Latinae ignoratione, in magnos errores incidisse, animaduerti. Mirari autem satis non possum, quam obrem viri quidā bene docti, & in litteris exercitati, quorū certe famae detractum nolim, aliter omnino, quam sententia postulet, Vergili versus Georgicorum libro primo interpretentur:

*Humida solstitia, atque hiemes optate serenas,*

*Agricolae. hiberno laetissima puluere farra.*

*Lactus ager.*

Non enim defuere, qui, dum se Astrologos ostentarēt, ridicula quaedam ad eum locum, libris editis, tradiderunt: duo esse Solstitia, aestiuum alterum, alterum hiemale. de vtroque Vergilium sensisse, pluuiamq. ijs tum aestate, tum hieme aliaq. id genus monstra.

Longe vero aliter exponendum esse Vergili locum, optimae Latinae linguae auctores ostendunt. Solstitium enim pro Aestate, cui Hiems opponitur, ab ipso Vergilio vsurpatum est, Ecloga septima:

*Muscosi fontes, & somno mollior herba,*

*Et quae vos rara viridis tegit arbutus umbra:*

*Solstitium pecori defendite: iam venit aestas*

*Torrida: iam laeto turgent in palmitibus gemmae.*

Lucretius lib. quinto & ipse pro Solstitio aestiuo, vt  
 isti



isti loquuntur, accepit:

*Nec ratio Solis simplex, nec certa patefcit,*

*Quo pacto aestiuis e partibus Aegocerosis*

*Brumaleis adeat flexus, atque inde reuertens*

*Canceris ut meras vercat se ad solstitialeis.*

Ouidius lib. I. de Ponto, eleg. 4.

*Longa dies citior brumali fidere, noxq.*

*Tardior hiberna solstitialis erit.*

Antequam, inquit Ouidius, ex Attici memoria mutua beniuolentia effluat, aestiuus dies, qui longiss. est, breuior fiet hiemali; & nox solstitialis, id est aestiua, quae breuissima est, productior hiemali fiet. Idem lib. Fastorum sexto: -

*At, si non esset potus, dixisset eadem*

*Venturum tempus solstitiale die.*

Horatius lib. Epistolar. primo, ad Bullatium:

*Incolumi Rhodos, & Mitylene pulcra facit, quod*

*Paenula solstitio, campestre nivalibus auris.*

Solstitio, id est, per aestatem: cui opposuit, Nivalibus auris, id est per hiemem. Brumam porro solstitio opposui, ex ipso Cicerone intelligimus; qui libro de natura deorum secundo sic scriptum reliquit: *Solis accessus, diffususq. solstitijs, brumisq. cognoscitur.* M. Varro aperte eandem rem explicat lib. de lingua Latina quinto, his verbis: *Alter motus Solis est, alter caeli, quod mouetur a Bruma ad Solstitium. Dicta Bruma, quod breuissimus dies est; Solstitium, quod Sol eo die sistere videatur; aut quod Sol ad nos versum, proximum est Solstitium. Cum venit in medium spatium inter brumam, & solstitium, quod dies aequus sit, ac nox; Aequinoctium dictum.* Ex ijs igitur constat, a maioribus seruatum religiose, quod a minoribus deprauatum est. nam apud bonos Latinitatis auctores Solstitij nomen Solstitium aestiuum dumtaxat significat. Vergili autem sententia ea est: adulto vere, qui proxime aestatem attingit, pluuiam frugibus necessariam esse

esse, unde alantur. Per brumam vero, & hiemem, serenitatem conducere. Macrobius lib. Saturnalium quinto, cap. 20. hos versus enarrat; & carmen rusticum antiquum profert:

*Hiberno puluere, Verno luto, grandia farra, Camille, metes.*

## P E C V N I A . I N N O M I N I B V S . O C C V P A T A

id est mutuo data, vel ad nomina facienda destinata, nostra non est.

*Ciceronis, & Iurisconsultorum loci  
comparati.*



Vbtilis Kalendarij ratio quibusdam, & ob id obscurior videtur: Kalendarij autem nomen hoc loco interpretor tabulas, seu librum foeneratorum, quo in libro eorum nomina scribebantur, quibus pecunia ferebatur expensa, & mutuo data. At, quoniam plerumq. Kalendis collocabantur nummi, Kalendarium eiusmodi librum appellarunt. Horatius de laudibus vitae rusticae, exigendorum, faciendorumq. nominum tempora eleganter tetigit:

*Haec vbi locutus, foenerator Alfius,*

*Iam iam futurus rusticus,*

*Omnem relegit idibus pecuniam,*

*Quaerit Kalendis ponere.*

Quod autem dixeram Kalendarij rationem obscuriorem, eo spectat, quod Cicero in Topicis de Loco ex differentia

rehtia sic scriptum reliquit: Non, si Vxori vir legauit omne argentum, quod suum esset, ideo, quae in nominibus fuerunt, legata sunt. Multum enim differt, in arca ne positum sit argentum, an in tabulis debeat. Ad eum locum Seuerinus Boetius optime disputat: legato genere, videlicet excepta differentia, legatas esse species tantum; argenti autem species esse signatum, non signatum, differentias vero seu qualitates pecuniae in possessione positae vel non positae; exceptas, legato non contineri propter illud pronomen adiectum, quod suum esset. nummi enim in nominibus, siue mutui dati, in possessione eius, qui dedit, non videntur, si quidem ea mutui vis est, ut quod mutuum datur accipientis fiat. Huc accedit, quod non solum nomina, & crediti nummi excepti videntur, sed vero etiam quidquid argenti ad Kalendarium & nomina facienda dumtaxat destinatum in arca sit, vel a debitoribus exactum, vel aliunde redactum. Quae de re copiose eleganterq. a nostris Iuristis consultis differitur. Scaeuola l. vxorem, S. legauerat. de leg. & fideicom. Legauerat inquit per fideicommissum Maeuius, ita: Quidquid in patria Gadibus possideo, &c. Item quaesitum est, Kalendarij, quod in patria sua, vel intra fines eius defunctus exercuit, instrumenta in domo, quam in patria sua habebat, reliquit, an id quoque Kalendarium propter verba supra scripta Maeuiis, ex causa fideicommissi deberetur. Respondi, non deberi. Item quaesitum est, an pecunia, quae in arca domi Gadibus inuenta esset, vel ex diuersis nominibus exacta, & ibi deposita, ex fideicommissio debeat. Respondi, supra responsum esse. Et Africanus l. qui filium, eodem: Qui filium, & nepotem heredem instituerat, certa praedia, quaeque in his mortis tempore sua essent, nepoti per fideicommissum dederat, excepto Kalendario. Mortis tempore in ea arca, in qua instrumenta, & cautiones debitorum erant, pecunia numerata inuenta est. plebisq. Videbatur vix vero simile esse, ut testator de pecunia numerata sensisset. Ego autem illud dignum animaduersione existima-  
bam: cum quis Kalendarium praestari alicui voluerit, utrum

nomi-



nomina duntaxat debitorum praestari voluisse intelligendas sit, an vero etiam pecuniam, si qua ab his exacta, eidem tamen Calendario destinata fuerit. Et magis puto, quemadmodum si exactae pecuniae, & rursus collocatae essent, permutatio nominum non perimeret, vel minueret fideicommissum: ita ipsas quoque pecunias, si adhuc Calendario, idest nominibus faciendis destinatae essent, eidem fideicommissio cedere debere. Quinetiam illud quoque putem defendi posse; ut non modo a debitoribus exactae pecuniae, sed quacumq. de causa redactae, eidem tamen rationi destinatae, fideicommissio cedant. Cellus praeterea ex ipsa antiquitate petitam aliam eius rei rationem affert, l. si chorus eodem. Quae, inquit, mobilia mea erunt, do, lego, nummos ibi repositos, ut mutui darentur, non esse legatos, Proculus, ait, at eos, quos praesidij causa repositos habet, (ut quibusdam bellis civilibus factita essent) eos legato contineri, & saepe audisse se rusticos senes ita dicentes, Pecuniam sine peculio fragilem esse, Peculium appellantes, quod praesidij causa reponeretur. Ex iis igitur grauiusimorum auctorum locis facile intelligimus, hoc nos iure uti, ut ea tantum nostra sint, quae possidemus; Pecuniam autem mutuatam collocatam, siue etiam in eum usum comparatam, nostram non esse. Proinde, cum quis, quod suum est, legat, non videtur instrumenta, & cautiones debitorum legare, aut etiam pecuniam ad foenus destinatam, ut olim fiebat.



41. 36

# L V S T R V M

QVINQVE . ANNORVM

S P A T I V M

*Horati locus illustratus .*



Ideo a nonnullis Lustrum nomen, cum annorum spatium significat, pro quattuor dūtaxat annis accipi, quamuis quinto quoque anno Urbem lustrari, Ciuitatem censeri, ac Lustrum condi fateātur. eorum autem opinio inde fluxit, quod, peracto quadriennio, incunte quinto anno, censum peragi putarent. Quare faciendum mihi esse duxi, vt, quae inter legēdum auctorum loca notarim, in medium proferam. Statius lib. Siluarum 2. de Surrentino Polli:

*Huc me post patrij laetum quinquennia lustrum.*

Et lib 3. ad Claudiam vxorem, quam vel ipsa Penelope castiorem dicit, quae viginti annos Vlysse marito caruit:

— *Et si ego met patrio de litore raptus*

*Quatuor emeritis per bella, per aequora, lustris*

*Errarem, tu mille procos intacta fugares,*

*Non intertextas commenta retexere telas,*

*Sed sine fraude palam, thalamosq. armata negasses.*

Martialis libro primo de Demetrio puero amanuensi, aegrotante, ac moriente, manumisso: quod epigramma, propter summam elegantiam, & antiquitatis notitiam, totum adscribere libuit:

*Illam manus quondam studiorum fida meorum,*

*Et felix dominis, notaq. Caesaribus.*

*Destituit primos virides Demetrius annos,*

*Quarta tribus lustris addita messis erat.*

*Ne tamen ad Stygias famulus descenderet umbras,*

F

Vre-

*Vreret implicitum cum scelerata lues,  
 Canimus, & domini ius omne remissimus aegro,  
 Munere dignus erat conualuisse meo.  
 Sensit deficiens sua praemia, meq. patronum.  
 Dixit, ad infernas liber iturus aquas.*

Quid hoc apertius? cum quarta mæsis, idest quartus annus tribus lustris addi dicatur, continuo sequitur, Lustrum non ex quattuor annis, vt isti volunt, constare. Præterea, si quadriennio Lustrum absolueretur, nō tria lustra, sed quattuor dici debuissent ætatis Demetri, qui decessit tertio exacto lustro, & quarti lustri quarto anno, idest vnde vigesimo, siue decimo nono ætatis anno. Est autem hoc dicendi genus perelegans, ac Poetis in describendis annis perfamiliare. Horatius libro Carminum secundo, Ode quarta:

*Cuius octauum trepidauit ætas,  
 Claudere lustrum.*

Quadragesimum ætatis annum Horatius exegisse se significat. Et libro quarto, ode prima:

*Circa lustra decem flectere mollibus  
 Iam durum Imperijs.*

Annus agebat quinquagesimus. Quod Ouidius in Ibin dixit:

*Tempus ad hoc lustris bis iam mihi quinq. peractis.*

Idem libro Fastor. secundo, de puero quinquagesimum annum agente:

*Iam tria lustra puer furto conceptus agebat.*

Ad quem locum interpretes inepte hac de re disputat, Sed & Horatij locus est in Carmine saeculari:

*Si Palatinas videt æquus arces,  
 Remq. Romanam, Latiumq. felix,  
 Alterum in lustrum, meliusq. semper  
 Proroget æuum.*

Ad quem locum interpretes Lustrum improprie pro  
 sac-

saeculo sumi scripserunt. Ego vero Horatium proprie locutum censeo, & de quinquennio proxime futuro, non autem de centesimo anno sollicitum fuisse.

Nam singulis lustris, idest quinquenniis vota pro Republicae incolumitate concipiebantur. Quae de re sic Suetonius in Augusto: *Mors quoque eius, de qua dehinc dicam, diuinitasq. post mortem, euidentissimis ostentis praecognita est. Cum lustrum in campo Martio magna populi frequentia conderet, Aquila cum saepius circumuolauit; transgressaq. in vicinam aedem super nomen Agrippae, ad primam litteram sedit. quo animaduerso, vota, quae in proximum lustrum suscipi mos est, collegam suum Tiberium nuncupare iussit. Nam se, quamquam conscriptis, paratq. iam tabulis, negauit suscepturum, quae non esset soluturus.* Haec Suetonius. Huc accedit, quod, ut tradit Dio, eo ipso anno saeculari, qui erat urbis conditae DCCXXXVI, finito decennio, in quinquennium Reipublicae constituendae potestatem accepit Augustus: cui eadem mox in alterum quinquennium decreta est: ac rursus in decennium. quo more vsi sunt in Republica administranda, qui secuti sunt, Imperatores. Quare in veteribus monumentis Vota Quinquennalia, Decennalia, & Vicennalia, & Tricennalia leguntur, quae primo, secundo, & tertio decennio imperij soluebantur. Est in hortis Farnesianis Palatinis mar-mor, cum victimis, & inscriptione:

CAESARVM  
DECENNALIA  
FELICITER

*Et in Arcu Imp. Constantini:*

VOTIS. X      VOTIS. XX

VERSUS . OBELISCI . CONSTANTINIANI  
ALIQVOT . LOCIS . ILLVSTRATI

*Metallum pro marmoris fodinis .*

**I**N basi Obelisci, quem e Circo Maximo effossum ante Basilicam Lateranam Sixtus V. Pontifex Maximus statuit, complures erant insculpti versus, quibus Imperatoris Constantij donum significabatur. Eos versus a nobis descriptos, cum erueretur basis, nostris libris inferendos, ac posteris transmittendos curauimus, quando ea basis contracta in alios vsus concessit.

*Patris. opus . munusq. suum. tibi. Roma. dicauit  
Augustus. toto. Constantius. Orbe. recepto  
Et. quod. nulla. tulit. tellus. nec. uideras. aetas  
Condidit. ut. claris. exaequet. dona. triumphis  
Hoc. decus. ornatum. genitor. cognominis. urbis  
Esse. uolens. caesa. Thebis. de. rupe. reuellit  
Sed. grauior. Diuum. tangebatur. cura. uehendi  
Quod. nullo. ingenio. nisuq. manuq. moueri  
Caucaseam. molem. discurrens. fama. moneret  
At. dominus. mundi. Constantius. omnia. fretus  
Cedere. uirtuti. terris. incedere. iussit  
Hanc. partem. exiguam. montis. pontoq. tument  
Credidit. & placido. uecta. est. uelocius. Euro  
Litur. ad. Hesperium. populo. mirante. carinam  
Interea. Romam. tetro. uasante. tyranno  
Augusti. iacuit. donum. studiumq. locandi  
Non. fastu. spreti. sed. quod. non. crederet. ullus  
Tantae. molis. opus. superas. consurgere. in. auras*

*Nunc*



*Nunc. ueluti. rursus. rufis. auulsa. metallis. RORATO  
Emicuit. pulsataq. polos. haec. gloria. dudum  
Auctori. seruata. suo. cum. caede. tyranni  
Redditur. atque. aditu. Romae. uirtute. reperto  
Victor. ouans. Urbisq. locat. sublime. tropaeum  
Principis. & munus. condignis. usque. triumphis.*

Cognominis Urbis. Constantinopolim significat. Cognominis autem, *ὁμώνυμος*, idest, eiusdem nominis. Ut apud Plautum: Quid agunt duae germanae meretrices cognomines, vocabantur enim Bacchides. Eiusdem vero nominis Constantinopolim accipio, non quod Constantini nomen, sed quod Urbis Romae nomen referret. Nam Constantinopolis Noua Roma dicta est. Duae igitur Vrbes erant cognomines, idest eiusdem nominis. Ad vitandam vero ambiguitatem, addebatur alteri, Noua Roma; alteri, Vetus, Senior, Antiqua Roma. Senioris, & Nouae mentio est in secunda cognitione Sancti Chalcedonenſis Concilij, his verbis: Conueniente vero, & sancto Concilio, & vniuersali Concilio secundum sacram Sanctionem in Chalcedonenſi ciuitate congregato, idest Paschasino, & Lucentio Reuerendiſſimis Episcopis, & Bonifacio Reuerendiſſimo Presbytero, agentibus Vices Sanctissimi, & Deo amatiſſimi Archiepiscopi Senioris Romae sancti Leonis, & Anatolio sanctiſſimo Archiepiscopo magni nominis Constantinopolitanae ciuitatis Nouae Romae. Et libro xi. C. de priuilegiis Urbis Constantinop. Urbis inquit Constantinopolitana non solum iuris Italici, sed etiam ipsius Romae veteris praerogatiua laetetur. Et l. intra, C. de operib. pub. Intra Urbem Romanam Veterem & Nouam nullus iudicum nouum opus informet.

In versu autem, Interea Romanam T A RO, cum duae litterae fractio marmore desiderarentur, fuerunt inductae P O, a viro non indocto, vulgatumq. impressis versibus T A.

T A P O R O, vt Tyranni cognomen esset, quod Fulvio  
 Ursino viro litterarum cognitione praestantissimo, non  
 satisfecit. itaq. loco illarū repositae sunt ab eo hae duae  
 E, T, factumq. T A E T R O, quo nihil aptius fieri potuit.  
 Tantum enim abest, vt publicis priuatisq. monumentis  
 Perduellium, damnatorūq. nomina mandarentur, vt in-  
 de abraderentur. Quod si victoria de hostibus a Senatu  
 iudicatis esset incidenda, sine nomine hostis oppressi con-  
 scribebatur. Exprimebatur tamen verbis communibus  
 Tyranni, & Tyrannidis factio oppressa, & extincta, adie-  
 cto etiam nomine ad Tyrannidem, Tyrannumq. dete-  
 standum idoneo, vthoc loco factum est: T A E T R O  
 Tyranno. Est & in hortis Farnesianis Palatinis eiusdem  
 temporis basis, quae huc pertinet:

RESTITVTORI . VRBIS . ROMAE . ADQVE . ORBIS  
 ET . EXTINCTORI . PESTIFERAE . TYRANNIDIS  
 D . N . FL . CONSTANTIO . VICTORI . AC . TRIVMFATORI  
 S E M P E R . A V G V S T O  
 NERATIVS . CEREALIS . V . C . PRAEFECTVS . VRBI  
 VICE . SACRA . IVDICANS . D . N . M . QVE . EIVS

*Et in Arcu Imperatoris Constantini:*

IMP . CAES . FL . CONSTANTINO . MAXIMO  
 P . F . A V G V S T O . S . P . Q . R  
 QVOD . INSTINCTV . DIVINITATIS . MENTIS  
 MAGNITVDINE . CVM . EXERCITV . SVO  
 TAM . DE . TYRANNO . QVAM . DE . OMNI . EIVS  
 FACTIONE . VNO . TEMPORE . IVSTIS  
 REMPVBLICAM . VLTVS . EST . ARMIS  
 ARCV . TRIVMPHIS . INSIGNEM . DICAVIT  
 LI.

VERSUS . OBELISCI . CONSTANTIN. 47  
LIBERATORI . VRBIS      FVNDATORI . QVIETIS  
VOTIS . X      VOTIS XX

Illud quoque notandum est, quod sic inibi legitur:

*rusis auulsa metallis,*

Metalla esse hoc loco marmoris fodinas apparet. quo sensu apud Lucanum accipiuntur libro quarto:

*Extrahitur, duris silicum lassata metallis.*

Idem libro sexto:

*Ingentes cautes, auulsaq. saxa metallis.*

Papinius item Statius libro Siluarum primo, de balneo Etrusci:

*Sola niter flauis Nomadum decisa metallis.*

Idem libro quarto, ad Marcellum:

*An ne metalliferae repetit iam moenia Lunae.*

Titulus etiam est libro xi. C. de metallariis, & metallis: ubi in prioribus legibus de metallico canone cautum est. In l. autem, *Cuncti, Metallum saxorum venam* interpretantur Imperatores Gratianus, Valens, & Theodosius, his verbis: *Cuncti, qui per priuatorum loca saxorum venam laboriosis effossionibus persequuntur, decimas fisco, decimas etiam domino repraesentent, cetero modo proprijs suis desiderijs vindicando.*

## P R A E T O R T U T E L A R I S.



Iustinianus, dandi tutores ius penes Praetorem fuisse, ex Constitutionibus, id est ex Imperatorum placitis, scriptum reliquit, Instit. de Atiliano tutore, §. Sed ex his. Hunc autem Praetorem Tutelarem vocatum, & a M. Aurelio factum, scribebat Iulius Capitolinus: *Praetorem inquit tutelarem primus fecit*

cit



cit, cum antea tutores a Consulibus poscerentur, ut diligentius de tutoribus tractaretur. Haec Capitolinus. Quod autem ad Consules id spectasse dicit, sic Suetonius in Claudio: Sanxit, ut pupillis extra ordinem tutores a Consulibus darentur. Ceterum ad Praetorem Tutelae cognitio, & Tutorum datio pertinebat. id quod ex l. 1. C. de Tutoribus, vel curat. illustr. cognoscitur. & ex l. 2. C. Quando mulier tutelae officio fungatur his verbis: Accito Praetore, qui impertiendis tutoribus praesidet. De Praetore Tutelari in antiquis inscriptionibus mentio est:

*Romae, ad Columnam Antonini:*

POPVLONI

L. ARADIO. VAL. PROCVLO.  
 AVGVRI.  
 PONTIFICI. MAIORI  
 QVINDECIMVIRO. SACRIS. FACIENDIS  
 PONTIFICI. FLAVIALI  
 PRAETORI. TUTELARI  
 LEGATO. PROPRAETORE. PROVINCIAE. NUMIDIAE  
 PERAEQVATORI. CENSVS. PROVINCIAE. GALLECIAE  
 PRAESIDI. PROVINCIAE. EVROPAE. ET. THRACIAE  
 CONSVLARI. PROVINCIAE. SICILIAE  
 COMITI. ORDINIS. SECVNDI  
 COMITI. ORDINIS. PRIMI  
 PROCONSVLI. PROVINCIAE. AFRICAE. VICE  
 SACRA. IVDICANTI. EIDEMQ. IVDICIO. SACRO  
 PER. PROVINCIAS. CONSVLAREM. ET  
 NUMIDIAM. BYZACIVM. AC. TRIPOLIM  
 ITEMQ. MAVRETANIAM. SITIFENSEM. ET  
 CAESARIENSEM  
 PER.



PERFVNCTO. OFFICIO. PRAEFECTVRÆ. PRAETORIO  
COMITI. ITERVM. ORDINIS. PRIMI. INTRA

PALATIVM

PRAEFECTO. VRBI. VICE. SACRA. ITERVM

IYDICANTI

CONSVLI. ORDINARIO

HVIC. CORPVS. SVARIORVM. ET. CON

FECTVRARIOVM

AVCTORIBVS. PATRONIS. EX. AFFECTV. EIDEM

IYRE. DEBITO

STATVAM. PATRONO. DIGNO. PONENDAM

CENSVIT

*Ad Forum Traiani:*

AVCHENII

ANICIO. AVCHENIO. BASSO. V. C. QVAE

STORI. CANDIDATO

VNO. EODEMQVE. TEMPORE. PRAETORI

TVTELARI. PROCONSVLI

CAMPANIAE. PRAEFECTO. VRBI. TRINI

MAGISTRATVS

INSIGNIA. FACVNDIAE. ET. NATALIVM. SPE

CIOSA. LVCE. VIRTVTIS. ORNANTI. &

# AVRELI. IRVDENTI

## LOCVS . EMENDATVS.



Atinus Viterbiensis, qui summo bonorum dolore proxime decessit, vir venerandae formae & doctrinae prope singularis semper est habitus. Is cum esset fere octogenarius, & per aetatem, neque domo, neque lectulo commouere se posset, frequentes ad illum Viri bene docti confluxebant: erat enim prope Ciuitatis Oraculum. Admiratione dignum videbatur, quod in summa senectute oculis caligantibus, efferto corpore, vigeat tamen in illo animus, mens, memoria, multa acute disputabat, aliena scripta iudicabat, veterum libros corripiebat, & apposite restituerebat. Nihil mihi admirabilius visum est, quam quod omnes fugisset, ac sefellisset in Prudentio, id ipsum post omnium librorum editiones, vidisse atque egregie emendasse. Sic enim legitur in praefatione libri primi aduersus Symmachum.

*Spes in seipso subiecta per flexibus  
Et vibrare sagax elegit caput  
Sed dextra impatiens dilaeris irritos  
Oris rhetorici depulit halitus,  
Effusum ingenij virus in amara  
Summa christi uolens in curia subsistere*

Nemo locum de mendo suspectum habuit. Latīnus hoc subodoratus est. & vnius litterae secundae vocalis transpositione in verbo S P E S, nullo ibi plane sensu, locum illustrauit, hoc modo, S E P S. loquitur enim Prudentius de Serpente metaphoricos. Serpentis autem genus Seps, non Spes. Spei certe neque flexus corporis, neque capitis vibratio est. Seps autem mire in hunc locū serpit.

Lucanus libro nono de hoc Serpente sic

*Ossaq. dissolvens cum corpore cabificus Seps.*

Et Aulonius:

*An Libyæ fœdæ malum sit Romula vox Seps.*

Huiusmodi mendū in libro typis excusos e manuscrip-  
tis emanauit. est enim in Bibliotheca Vaticana Prudē-  
tij miræ antiquitatis liber, quem Federicus Rainaldus,  
harum rerum, quam diu vixit, diligens indagator, emptū  
in Bibliotheca collocauit. Spes, tamen in eo legitur, men-  
dose omnino.

## E N N I . V E R S V S

APVD . A . GELLIVM

E X P L I C A T I

Frustrari, & Frustra esse, quid.

*M. Antonius Muretus laudatus.*



Agnæ mihi familiaritas, & cōsuetudo cum  
M. Antonio Mureto fuit; multumq. homi-  
nis doctissimi vtebar eruditione. Nam,  
præterquam quod publice profitemem  
summa cum ingenij, doctrinæ, & eloquē-  
tiæ gloria in Romana Academia quoti-  
die fere audiebam, antelucanis quoque horis domi ius  
Ciuile privatim docenti operam dabam. Quare multa,  
quæ præclare dicta essent, raptim excipiebam. Eius ge-  
neris est, Q. E N N I versuum, qui apud A. Gellium  
sunt, explicatio. is enim libro xvi. 11. Cap. 2. sic scriptum

G 2 reliquit.



reliquit. Enarratio hominum versuum, qui sunt in Satyris  
Q. E N N. I. vno multifariam verbo concinniter impli-  
cati, quorum exemplum hoc est:

*Nam, qui lepide postulat alterum frustrari,*  
*Quem frustratur, frustra eum dicit, frustra esse:*  
*Nam qui sese frustrari, quem frustra sentit,*  
*Qui frustratur, is frustratus est: si non ille est frustra.*  
hic explicabat Muretus: Qui vult alium lepide falle-  
re, dicere non debet errare, ac falli, eum, quem ipse falle-  
re cogitat. Nam, ubi quis sentit frustra alium operam da-  
re, ut se fallat, tum, nisi is, cui dolus tenditur, fallitur, is ipse  
frustra est, qui eum frustrari volebat. Frustrari, est fallere;  
Frustra esse, falli, ac decipi.

## MORTALES

INVOCARI, A. POETIS

non esse insolens, aut nouum.



Armen, quod nuper quattuor Cardinali-  
bus a Clemente VIII. Pontifice optimo  
Maximo cooptatis gratulabundus con-  
scripsi, viro doctissimo legendum dede-  
ram, ut, si qua imprudenti mihi excidis-  
sent, libere admoneret. Quare candidi iu-  
dicii officio functus nonnulla adnotauit, quae de eius sen-  
tentia libenter correxi. Vnum mihi persuadere non po-  
tuit, Inuocationem esse commutandam, quod Dij, non ho-  
mines inuocari solerent. Respondi enim, habere me locu-  
pletes auctores, quorum exemplo id fecissem. Nouum  
hoc ille plane sibi videri, dicebat; qui memoria non tene-

ret



ret mortalium inuocationes . Facturus igitur operae pre-  
tium mihi videor, si scribentibus aequè , ac iudicantibus  
rem gratam faciam, omnemq. ambiguitatem , ac scrupu-  
lum eximam ; prolatisq. in medium testimonijs, non esse  
hoc nouum, atque insolens , sed a bonis Poetis frequen-  
ter vsurpatum, doceam . Papinius Statius Gallicum, de  
quo libro Siluarum primo scribit, his versibus inuocat :

*Aste go nec Phœbum (quamquam mihi surda sine illo  
Plectra) nec Aonias decima cum Pallade diuas,  
Aut mitem Tegeae, Dircesue hortabor alumnum.  
Ipse veni, viresq. nouas, animumq. ministra,  
Qui caneris.*

Sed Statius Ouidium imitatus est. quod facile cogno-  
scet, qui vtriusq. locos conferet . Ouidius sane Germani-  
cum Fastrorum initio inuocat, his versibus :

*Excipe pacato, Caesar Germanice, vultu  
Hoc opus, & timidæ dirige naui iter .  
Officioque, leuem non auersatus honorem,  
Huic tibi deuoto, numine dexter ades .*

Et infra :

*Annue conanti per laudes ire tuorum,  
Deq. meo pauidos excute corde metus.  
Da mihi te placidum: dederis in carmina vires:  
Ingenuum vultu statq. caditq. tuo.*

Vterque vero Vergilium auctorem habuit, vnde mor-  
tales inuocandi rationem hanc didicerunt. is enim, Ec-  
log. i ix.

*Tu mihi, seu magni superas iam saxa Timauî .*

Mortalem sine controuersia inuocat.

Et libro Georgicor. secundo ad Maecenatem orationē  
conuertit, his versibus :

*Tuq. ades, inceptumq. vna decurre laborem,  
O decus, o famæ merito pars maxima nostræ  
Maecenas, pelagiq. volans da vela patenti.*

Au-

Augustum quoque idem inuocauit, virum nondum im-  
mortalitate donatum, nondum Diuum, Georg. primo:

Tuq. adeo, quem mox, quae sint habitura deorum  
Concilia, incertum est, Urbis nec inuisere Caesar,  
Terrarumq. velis curam, & te maximus orbis  
Auctorem frugum, tempestatumq. potentem  
Accipiat, cingens materna tempora myrto:  
An deus immensi Venias maris, ac tua nautae  
Numina sola colant; tibi seruiat Ultima Thule;  
Teq. sibi generum Thetis emat omnibus vndis;  
An ne nouum tardis fides te mensibus addas;  
Qua locus Erigonen inter, Chelasq. sequentes  
Panditur; ipse tibi iam brachia contrahit ardens  
Scorpius, & caeli iusta plus parte relinquit.  
Quidquid eris, (nam te nec sperent Tartara regem,  
Nec tibi regnandi Veniat iam dira cupido,  
Quamuis Elysios miretur Graecia campos;  
Nec repetita sequi curet Proserpina matrem);  
Da facilem cursum, atque audacib. annue coeptis,  
Ignarosq. Viae, mecum miseratus agrestes  
Ingredere, & votis iam nunc assuesce vocari.

Quem locum omnes fere qui secuti sunt Poëtae imi-  
tandum sibi propoluerunt. Lucanus Neronem inuocat:

— te, cum statione peracta

Astra petes serus, praelati regia celi  
Excipiat gaudente polo; seu sceptrat tenere,  
Seu te flammiferos Phebi transcendere currus,  
Telluremq. nihil mutato sole timentem  
Igne Vago lustrare iuuat: tibi numine ab omni  
Cedetur iurique tuo natura relinquet,  
Quis Deus esse velis; vbi regnum ponere mundi.  
Sed neque in Arctoo sedem tibi legeris orbe:  
Nec polus aduersi calidus qua vergitur Austri,  
Vnde tuam videas obliquo sidere Romam,

Ac the-

*Aetheris immensi partem si presseris Vnam,  
Sentiet axis onus, librati pondera caeli  
Orbe tene medio; pars aetheris illa sereni  
Tota vacet, nullaeq. obstant a Caesarē nubes.  
Tunc genus humanum positis sibi consulat armis,  
Inq. Vicem gens omnis amet: pax missa per orbem  
Ferrea belligeri comescat limina Iani:  
Sed mihi iam numen: nec, si te pectore Vates  
Accipiam, Cyrrhaea velim secreta mouentem  
Sollicitare Deum, Bacchumq. auertere Nyssa.  
Tu satis ad vires Romana in carmina dandas.*

Manilius Augustum:

*Nunc mihi tu, Caesar, patriae princepsque, paterque;  
Qui Regis Augustis parentem legibus Orbem,  
Concessumq. patri mundum Deus ipse mereris,  
Das animum, viresq. facis ad tanta canendum.*

Valerius Flaccus Vespasianum:

*— Tuq. o, pelagi cui maior aperti  
Fama, Chaledonius postquam tua carbasa vexit  
Oceanus, Phrygios prius indignatus Iulos,  
Eripe me populis, & habenti nubila terrae  
Sancte Pater, veterumq. fane Veneranda canenti  
Facta virum, versam proles tua pandit Idumen.  
Namq. potest, Solympo nigrantem puluere fratrem,  
Spargentemq. facies, & in omni turre furentem.  
Illa tibi cillusq. deum, delubraq. genti  
Instituet, cum iam genitor lucebis ab omni*

*Parte poli, neque enim in Tyrias Cyposura carinas  
Certior, aut Grauis Elice seruanda magistris.  
Seu tu signa dabis, seu te duce Graeci, mittet  
Et Sidon, Nilusq. rates, nunc nostra serenus  
Orsa iuues, haec ut Latias vox impleat vrbes.*

Papinius Statius Domitianum, in Thebaide:

*— tuq. o Latiae decus addite famae,*

*Quem*

*Quem noua maturi subeuntem exorsa parentis  
Aeternum sibi Roma cupit. Licet arctior omnes  
Limes agat stellas, & te plaga lucida caeli  
Pleiadum, Boreaeq. & hiulci fulminis expers  
Sollicitet, licet igni pedum frenator equorum  
Ipse tuis alte radiantem crinibus arcum  
Imprimat, aut magni cedat tibi Iuppiter aequa  
Parte poli, mancas hominum contentus habenis  
Vndarum, terraeq. potens, & sidera dones.  
Tempus erit, cum laurigero tua fortior oestro  
Facta canam.*

Et in Achilleide :

*At tu, quem longe primum super Itala Virtus,  
Graiaque, cui geminae florent vatunq. ducumq.  
Certatim laurus, (olim dolet altera vinci)  
Da veniam, ac trepidum patere hoc sudare parumper  
Pulvere, te longo, nec dum fidente paratu  
Molimur, magnusq. tibi praeludat Achilles.*

# HORATII. ET

## VALERII FLACCI

### LOCI. COLLATI.



*Arbaras gentes Corallös non lituo, tuba-  
ue, aut tympano, in confictu vsos esse ad  
animos militum incitandos, sed fortium  
virozum laudibus, lib. vi. commemorat  
Valerius Flaccus, his versibus:*

*Proelia nec rauco curant incendere cornu,  
Indigenas sed rite duces, & prisca suorum*

*Facta*



*Facta canunt, veterumq. viris hortamina laudes.*

Quod & multo ante, Horatius ad Pisones de Arte Poetica scripsit a Tyrtæo tale quid factum:

*Tyrtæusq. mares animos in Martia bella*

*Versibus exæcuit.*

# OVIDI . LOCI

EX . EPISTOLA . PENELOPES

VINDICATI

*Julius Caesar Scaliger reprehensus .*



Vilius Caesar Scaliger in Hypercritico illud apud Ovidium ex epistola Penelopes reprehendit:

*Illi victa suis Troica fata canunt.*

*Non erunt inquit victa fata, immo Troianum fatum vicit. Vicit enim Troianorum vota, quia in fatis erat Troiam capi. Nullo negotio Scaligeri argumentum dissolui, & Ovidium defendi posse, existimamus. Ovidius siquidem particularia, ut ita dicam, Troianorum fata, seu oracula, ut Servio placet ad illud Verg.*

*— fracti bello, fatisq. repulsi*

*Ductores Danaum.*

intellexit Palladium, Troilum & Laomedontis sepulcrum, Scaliger vero ad generale videlicet Troianorum fatum respexit. Fuisse autem plura fata, eademq. superata a Graecis, ut recte ab Ovidio dictum est, Plautus in Bacchidibus auctor est:

*Ilio tria fuisse audiri fata, quae illi exitio forent:*

H

*Signum*

*Signum ex arce si perisset, alterum etiam est Troili mors.*

*Tertium cum portae Scae ac limen superum scinderetur.*

Ibidem Scaliger ex eadem epistola *Namque tollendum* pronuntiat ex eo versu :

*Omnia namque tuo senior te quaerere misso*

*Retulerat nato Nestor, at ille mihi.*

*Neque inquit Scaliger hic vlla causa reddenda est. igitur illud Namq. dissungendum est. non enim relatio Telemachi efficiebat, vt Graeci proelia pingerent vxoribus. Immo, inquam, ex Telemacho Penelope cognouit, quae a Graecis in Patriam reuersis de bello Troiano coniugibus suis narrarentur. quod Telemachus, apud Nestorem dum esset, percepit. Neminem Ithacam rediisse, verisimile est, cum Ithacenses Ducem suum sequi oporteret. Durum quoque ibidem esse scribit, quod legitur :*

*Murus, quod fuit ante solum.*

*Murus enim inquit numquam fuit solum, Ego non fuisse adeo ineptum Ouidium arbitror, vt hoc excogitarit. Illud sane affirmo, aliter ordinandas esse voces, atque Scaliger accipit.*

*Sed mihi quid prodest vestris disiecta lacertis*

*Ilios? & murus quod fuit ante solum?*

*Quid mihi prodest Ilios disiecta, & solum, quod ante fuit murus? Estq. repetitio Poetis per familiaris. Haec autem sententia est : Urbem Troiam disiectam, & dirutam, ac solo aequatam, nihilo magis vtilem, quam cum staret Penelope videri, cui post Urbis Troianae excidium marito carendum esset.*

# VERGILI. ET. LIVI

## LOCI. COLLATI

### De Etruscorum imperio.



**E**truscos in duodecim partes distributos late a supero ad inferum mare imperio Italiam tenuisse, Liuius libro quinto scriptū reliquit. Eius haec sunt verba: *Tuscorum ante Romanum Imperium late terra marique opes patuere. mari supero inferoque, quibus Italia insulae modo cingitur, quantum potuerint, nomina sunt argumento, quod alterum Tuscum, communi vocabulo gentis, alterum Adriaticum mare, ab Hadria, Tuscorum Colonia, vocare Italicae gentes. Graeci eadem Tyrrhenum, atque Adriaticum vocant. Ii in Vtrumque mare Vergentes, incoluere Urbibus duodenis terras, prius cis Apenninum, ad inferum mare; postea trans Apenninum, totidem, quot capita originis erant, colonijs misiss. quae trans Padum omnia loca, excepto Venetorum angulo, qui sinum circumcolunt maris, vsque ad Alpes tenuere. Haec Liuius. Nemo igitur miretur, cum apud Vergilium de Mantuae opibus legat, quae Tuscorum caput esset, Aen. lib. x.*

*Mantua diues auis, sed non genus omnibus vnum.*

*Gens illi triplex, populi sub gente quaterni.*

*Ipsa caput populis: Tusco de sanguine vires.*

# FVLVI. VRSINI

## ET. IOSEPHI. SCALIGERI

O P E R A

*in Festo explendo.*



Esti Pompei semiustos libros egregie Ful-  
uius Vrsinus expleuit. Eandem provinciã  
Iosephus Scaliger hactus, multa feliciter  
assecutus est. In dictione Mutini felicior  
Vrsinus. nam quae in libro exeso deside-  
rantur, litterarum, spatia & interualla  
adamussim dimensus, apposite restituit: & cum Scaliger  
*exire Urbem, aediculam fecisset, Vrsinus via iuxta diuerticu-  
lum viae reposuit. Eius coniecturam postea confirmauit  
vetus Inscriptio, quae nunc apud illum est:*

VIA . QVAE . DVCIT  
PER . AGRVM  
NONIANVM  
A . M . XX . DEVERTIC  
SINISTROSVM  
PER . COMPITVM  
SECVS . PISCINAM  
IN . FVND O  
DECIMIANO  
THALAMIANO  
IUNCTIS . DEBETVR  
IT . A . VTI . HODIE  
IN . VSO . EST

Penult.



Penultimi versus principes Syllabae pūdis distinctae apte exponi possunt. *Iter Aētus*, vt est in l. inter actum, & iter, de ser. rust. praed. *Inter actum* & iter inquit Modestinus nonnulla est differentia. *Iter* est enim, quo quis pedes, vel eques commeari potest; *Aētus* vero, ubi & armenta traicere, & vehiculum ducere liceat.

Possset etiam commode quis interpretari primam illā vocalem, A, *Aditus*, *Ambitus*, si de quopiam aedificio ageretur: vt in subiecta inscriptione diserte expressum est apud Delphinios.

## H V I C

MONIMENTO . ITER  
ADITVS . AMBITVS . DEBETVR  
EX . SENTENTIA . EROTIS . AVG . L  
IVDICIS . A . VIA . CAMPANA  
PVBLICA . DEXTORSVM . INTER  
MACERIEM . CALAMIANAM  
ET . INSVLAM . EVCARPIANAM  
.. ER . LATITVDINEM . PEDES . DVOS  
.. SEMIS . VSQVE . AD . HOC  
MONVMENTVM . ET . HINC  
PER . CIRCIVITVM . TOTIVS  
MONVMENTI . VSQVE . IN . VIA  
QVAE . DVCIT . IN . AGRO . ITEM  
IDEM . MONVMENTI . ITER  
ADITVS . DEBETVR . HINC  
SECVNDVM . MONVMENT  
VM . AFINIAE . TYCHES . ET  
INDE . SECVNDVM . MACERIEM  
EVCARPIANAM . IN . QVA . OLLAR  
SVNT . ET . INDE . RECTO . VSQVE . AD  
.. AM . PVBLICAM . CAMPANAM

MONUMENTI . ITER . ADITVS . DEBETVR . EX . SENTENTIA . EROTIS . AVG . L . IVDICIS . A . VIA . CAMPANA . PVBLICA . DEXTORSVM . INTER . MACERIEM . CALAMIANAM . ET . INSVLAM . EVCARPIANAM . IN . QVA . OLLAR . SVNT . ET . INDE . RECTO . VSQVE . AD . AM . PVBLICAM . CAMPANAM

VI

IN

# V N D E . Q V I S . S I T

## N O M I N A N D V S



**P**Xparentibus liberos, non autem ex liberis parentes ostendendos esse, errareq. eos, qui pueri, aut etiam infantis Patrem, Auū, aut Proauum scribunt, ignorat nemo, qui in bonis auctoribus versatus sit. clarius enim, illustriusq. parentum nomen, quam liberorum esse consuevit, nisi filius ad eam propria virtute gloriam peruenierit, vt maioribus suis facem praetulisse videatur. id quod M. Catoni, qui se Vticae interemit, vsu venit. quade re diserat a M. Tullio Cicerone libro de Officiis tertio scriptum est. *M. inquit Cato sententiam dixit, huius nostri Catonis Pater. Vt enim ceteri ex patribus, sic hic, qui illud lumen progeniuit, ex filio est nominandus.* Haec ille Praeterea naturae ordo postulat, vt, vnde quis ortus sit, non ignoretur, ac prior sit pater, quam filius. Quam scribendi consuetudinem Romani vel in primis secuti sunt, vt est videre in veteribus monumentis, in Tabulis Capitolinis:

M. VALERIUS. M. F. VOLVSI. N. CINCINNAT  
P. SESTIUS. Q. F. VIBI. N. CAPITO  
AP. CLAUDIUS. AP. F. M. N. CRASSIN

Et apud Fuluium Ursinum lapis est perantiquus valde, antiquis litteris notatus, qui nuper inuētus, & effossus est extra portam Capenam:

M A R T E I  
M. CLAUDIUS. M. F.  
C O N S O L. D E D I T

LV.

67

L V C A N I  
ALI QVOT . LOCI  
DEFENSI

*Aduersus Iulium Caesarem Scaligerum.*

**N**imius mihi videtur in poetis exagitandis Iulius Caesar Scaliger, in Hypercritico. Lucanum in primis notat, quod Poema de bello Ciuili Pharsaliam appellarit, plura enim bella, & pluribus in locis a Caesare cum Pompeio, Pompeianisq. gesta ante, & post Magninecem prosequitur, Corfiniense, Brundisinum, Marsiliense, Dyrrhachinum, Hispanicum, Africum, Alexandrinum. Ego indignum esse Lucanum censeo, vt contra veterum sententiam a quoquam accusetur: Pharsalicamq. optima ratione inscriptam puto, quod eo bello de Pópeianis partibus, deq. vniuersa optimatum causa actum sit. quod & Cic. testatur, qui, victo apud Aemathiam Pompeio, neque reliquias belli, neq. spem sequi voluit inanem. cetera siquidem bella ad hoc vnum proelium, tamquam ad caput, referenda sunt. Quare sic ipse Lucanus exorsus est:

*Bella per Aemathios plusquam ciuilia campos,  
Iusq. datum sceleri canimus.*

Ac sane Papini Stati iudicium, doctissimi poetae, ceteris praetulerim. is de ingenio, carminibusq. Lucani libro Silvarum secundo multa honorificentissime scripsit, quae ad hanc rem pertinent:

*Mox coepta generosior inuenta  
Albos ossibus Italis Philippos,  
Es Pharsalica bella detonabis,*

*Et fulmen ducis inter arma diui,  
 Libertate grauem pia Catonem,  
 Et gratum popularitate Magnum  
 Tu Pelusiaci scelus Canopi  
 Deflebis pius, & Pharo cruenta  
 Pompeio dabis altius sepulcrum.*

In Lucano item damnat Scaliger dicendi genus, quo  
 vsus est lib. ix.

*Quid prodest miseri Basiliscus cuspide Murri  
 Transactus?*

*Latine inquit Scaliger dicemus, Quid prodest Basiliscum  
 transactum cuspide fuisse? Ego, num Latine sit dictum, non  
 quaero. Vtinam tam Latine sciremus, quam Lucani ser-  
 uus. Illud certe dico, eadem orationis forma Ouidium v-  
 sum esse in Penelopes epistola:*

*Sed mihi quid prodest Vestris dissecta lacertis  
 Ilios? Reliqua per otium persequemur.*

# R E C O N D I T A

N O M I N V M . E T

V E R B O R V M

per numeros Figura.



*I*guram per numeros fieri, nemo est paulo  
 in litteris exercitatus, qui non sciat, cum  
 dictioni, quae numeri vniratis sit, verbum  
 numeri multitudinis adiungitur; vt, Turba  
 ruunt; Pars in frustra secant. Virg. Aen.  
 lib. vi.

*Pars calidos latices, & athena vndantia flammis*

*Expe-*



*Expediunt.* Illud autem non cuius obuium est, ut ad idem nomen collectiuum numeri singularis, duo referantur verba, alterum singulare, alterum plurale. Exempla ex Vergilio petenda. lib. Aeneid. i.

*Ac, veluti magno in populo cum saepe coorta est  
Seditis, saeuitq. animis ignobile vulgus;  
Iamq. faces, & saxa volant; furor arma ministrat;  
Tum pietate grauem, ac meritis si forte iurum quem  
Conspexere, silent, arrectisq. auribus adstant.*

— Vides primum, dici *Ignobile, vulgus saeuit*, deinde, *Conspexere, Silent, Adstant.* Eadem quoque figura vsus est in secundo Aeneidos:

*Pars stupet innuptae donum exitiale Mithrae,  
Et molem mirantur Equi.*


Et paulo infra, sunt, qui eandem figuram retinendam esse contendunt:

*Vndiq. visendi studio Troiana iuuentus  
Circumfusa ruit; certantq. illudere capto.*

# LVNAE. SILENTIVM

VERGILIVS. ET. STATIVS

COLLATI



Vae sint Lunae silentia, facilius ex Papi-  
nio Statio, Poeta Vergili Radiorummo,  
disces, quam ex Grammaticis. is enim lib.  
Thebaldos secundo, de Mercurio, La-  
ium Regem ab inferis reducens, sic in-  
quit:

*Hac & tunc fusca Volucer Deus obsitus Umbra*

*Exsilit ad superos, infernaq. nubila vultu  
 Discutit, & viuis afflatibus ora serenat.  
 Inde per Arcturum, mediaeq. silentia Lunae  
 Arua super, populosq. meat: sopor obuius illi  
 Noctis agebat equos.*

Vergilius lib. Aeneidos secundo:

*Et iam Argiua phalanx instructis naubus ibae  
 A Tenedo, tacitae per amica silentia Lunae.*

# VERGILI. ET

## VALERI. FLACCI

### LOCI. COLLATI



Ingenuose a Vergilio dictum Quintilianus affirmat, *Demissum lapsi per funem*, Aen. lib. 2. cum Equi lignei altitudinem exponere voluisset.

Valerius autem Flaccus, ad ostendendam arboris proceritatem, alia ratione vsus, admirabile ingenium suum declarauit, lib. vi.

*Densior haud vsquam, nec celsior extulit vllas*

*Silua trabes, fessaeq. prius rediere sagittae,*

*Arboris ad summum quam peruenere cacumen.*

Sed & Vergilium imitatus videtur, qui Georgicor. secundo sic inquit:

*— Vbi aera vincere summum*

*Arboris haud vllae iactu potuere sagittae,*

*Et gens illa quidem sumptis non tarda pharetris..*

## V I D V A R E

A D . M A R E S . Q V O Q .  
R E F E R E N D V M

*Seruius reprehensus.*

Vergilius & Silius collati.



Seruius ad illud Vergili lib. Aeneidos  
I I X.

— tam multis viduasset ciuibus vrbes.  
proprie Viduare ad Vrbes relatum,  
quae generis sunt feminini, scripsit; Ho-  
ratiū vero abusive, & satis incongrue,  
genere masculino posuisse, libro primo Carminum:

— Viduus pharetra

Risit Apollo.

Seruium, Sili Italici, viri grauissimi, & in arte dicendi  
exercitatissimi, auctoritas refellit. is lib. 2. ad genus ma-  
sculinum Viduandi verbum rettulit:

*At viduus teli, frustrato proditus ictu.*

Viduus, translate, pro *Exsuto* accipitur.



## CAPVT V. MVNDI

OVR OMMAM DA

MVNDI

*Loci Poetarum collati.*

Omam Orbis caput dictam, in Claudii Ru-  
tilli Numatiani adnotationibus nostris  
multis auctoribus probauimus:

*Quæ domina arcus, & caput orbis habet.*

Eo etiã spectat, quod apud Ouid. lib. v.

Fastorũ inter legẽdum, vt sit, notauimus:

*Hic, vbi nunc Roma est, orbis caput, arbor, & herbae,*

*Et paucæ pecudes, & casararia fuit.*

Et Metam. xv. *solus orbis indiget*

*namq; caput rerum Romanam intraxerat urbem.*

—

## HORATI. ET. OVIDI

LOCVS. COLLATVS



Vae de Mercuri laudibus Horatius scripsit

Ode x. lib. i. eadem ferẽ Ouidius vsurpauit.

lib. Fastorum v. Eodem quoq. dicendi genere

uterq. vsus est. Sic Horatius:

— *superis Deorum*

*Gratus, & imis.*

Ouidius autem:

*Pacis, & armorum superis, imisq. deorum*

*Arbiter, salato qui pede carpis iter,*

*Laete lyrae pulsu, nitida quoq. laete palæstra,*

*Quo didicit culte lingua docente loqui.*

—

HO:



# HORATI. ET

## CLAVDIAN. T

### LOCI. COLLATI



Laudianus in vi. Honorij Consulatum ostendit, se non ingenij solum viribus excitatum, sed optimor. quoq. Poetarum lectione assidua, ad Poeticum decus, & gloriam peruenisse. Nam ita Horati ornamenta vniuersa, quae de naue quassa, & naufraga congesta sunt Ode xiv. lib. i. in suam transfudit, vt nihil aptius, elegantius ve fieri posse videatur.

— qualis piratica puppis,

Quae cunctis insensa fretis, scelerumq. referta

Diuisis, multisq. diu populata carinas,

Incidit in magnam, bellatricemq. triremem,

Dum praedam de more putat, viduataq. caesis

Remigibus scissis velorum debilis alis,

Orba gubernaculis, antennis sancis fractis,

Ludibrium pelagi vento idctatur, & vnda,

Impat. affaro tandem poenas luitura profundo.

Horatius sic:

O Naui, referent in mare te noui

Fluctus: o quid agis? fortiter occupa

Porrem. non ne vides, vnde non belli ora

Nudum remigio latus?

Et malas celeri saucius Africa

Antennaeq. gemant ac sine sumbus,

Vix durare carinae

Possint imperiosius

Aequor? non tibi sunt integra lintea.

Et

Et paulo infra:

— tu, nisi ventis

Debes ludibrium, caue.

# Q V I D . S I T A P V D . V E R G I L I V M M A R E . S T A R E

*Seneca emendatus.*



Are semper agitari, fluere, numquam stare, suapte natura, & re ipsa constat, & a Philosophis proditum est. Quamobrem sunt, qui Vergilianum illud, Eclog. 2. non satis probent:

*Cum placidum ventis staret mare.*

Seneca lib. Naturalium V. Vergili locum interpretatur, ita tamen, ut a rei natura non discedat. Sic tranquillum inquit mare dicitur, cum leuiter commouetur, nec in vnam partem inclinatur. itaq. si legeris,

*Cum placidum ventis staret mare,*

scito illud non stare, sed succuti leuiter, & duci. tranquillum est, quia nec huc, nec illo impetum capit. Sic est in meo vetustissimae impressiois libro: ac mihi magis placet, quam quod in aliis legitur, *Et dici tranquillum, quia nec huc, nec illo impetum capias.*

**VER-**

# VERGILII ET

OTIBVLLI

LOCI COLLATI



Ergilium lib. Aen. vi. i. eadem comparatione vsum in Amatae Reginae, furētis, & per Urbem, sine vllō aut Regiae Maiestatis decoro, aut matronalis personae pudore, discurrentis, expositione, quam Tibullus de se extulit lib. i. Eleg. v. notauimus. Illud certe discrimen esse animaduertimus, quod apud Carisum lib. Institutionum grammaticarum primo, est legere. Nam Turbonem a Vergilio, quem Turbinem a Tibullo, dictum doctissimus grammaticus testatur. Tibulli versus:

*Namq. agor, vs per plana citus sola verberare turbo,*

*Quem celer assueta versat ab arte puer.*

Vergili autem:

*Eum vero infelix ingentibus excita monstris,*

*Immensam sine more furit lymphata per urbem;*

*Ceu quodam toro volitans sub verberare turbo,*

*Quem pueri magno in gyro vacua atria circum*

*Intenti ludō exercent. ille actus habena*

*Curuatis feritur spatij. stupet in seia turba,*

*Impubisq. manus, mirata volubile buxum.*

*Dant animos plagae.*

Ad quem locum Seruius, Turben, de Carmen, a Catullo dictum, scribit: sed a Carisi sententia discedit: & locus omnino mendosus mihi videtur.

VER-

72  
VERGILII. LOCVS

A. CLAUDIANO

IT' EXPRESSVS O

**C**laudianus merito Vergili mentem habuisse  
dictus est, qui Vergilianae Maieſtatis non  
ſententias ſolum admiratus, atq. imitatus  
eſt, ſed verba etiam, & dicendi genera elegan-  
ter reddidit. In Ruſinum porro Eclogae primae, illud fe-  
liciter expreſſit Vergilianum:

*Te meae, quondam felix pecus, ite capellae:*

*Sic Claudianus:*

*Te mei quondam ſocij.*

AN. VLLA. VIS

VENEFICIIS. IN. AMORE

FVISSSE. SIT. CREDITA

**V**eneficas, inſectatur Horatius, & irridet;  
Canidiamq. ſibi inſultantem, ſic loquen-  
tem facit:

*Plorem artis in tenuil habentis exitum?*

Afranius autem, vetus poeta, optimo ar-  
gumento veneficia non tam habere vim, vt miſere quam  
piam depereas, acutiſſime, & ſuauiſſime probat:

*Si poſſent homines de lenimentis capi,*

*Omnes haberent nunc amatores anus.*

*Aetas, & corpus tenerum, & morigeratio,*

*Hacc*



*Haec ſunt Venena formoſarum mulierum.*

Formam, & obſequium Glycerij plurimum potuiſſe in Pamphilo, Terentius ſcriptum reliquit:

*Sen tibi morigera fuit in rebus omnibus.*

Haec duo coniunxi t Ouidius in Hypſipile:

*Moribus, & forma conciliandus amor:*

Quibus ſane artibus ſi vxores in viros ſuos vterentur, nullae omnino altercationes inter eos exorirétur. Illudq. profecto contingeret, quod ad coniugalem felicitatem Horatius pertinere praedicat:

*Felices ter, & amplius,*

*Quos irrupta tenet copula: nec malis*

*Diuulſus querimonijs,*

*Suprema citius ſoluet amor die.*

Haec recte Ethnicos ſenſiſſe conſtat. Certius au nos Chriſtiani credimus, nullam cogendi vim habere neſicia, inanemq. eſſe daemonum operam ad compellendam animi noſtri libertatem. quod illuſtri ſane exem SS. Martyrum Cypriani & Iuſtinae redditur indubitiffimum.

# EXPLICATVS

## VERGILI. LOCVS

*Seruius reprehendus.*



Proprium pro diuturno, & perpetuo, Vergilius vſurpauit, libro vi.

— nimium vobis Romana propago  
Viſa potens, ſuperi, propria haec ſi dona fuiſſent.

K

Eadem

Eadem plane significatione hoc ipsum verbum A. Hirtius de bello Africo extulit: *Quod proprium inquit gaudium bellantibus fortuna tribuere non decreuit.*

Seruius ad illum sexti libri versum, *Propria dona, Perpetua* significare cum docuisset, sententiamq. suam exemplo confirmaret; ad illum primi libri locum se contulit:

*Sunt mihi bis septem praestanti corpore Nymphae,*

*Quarum, quae forma pulcherrima, Deiopeiam*

*Connubio iungam stabili, propriamq. dicabo.*

Sed tamen in explicatione eius longe aliter sensit. Propriam enim idcirco dictam scribit, ut adulterij suspicionem remoueret. Quare aut Seruius sibi non constat, aut locus corruptus est, & interpolatus: quod & verius puto. equidem non adulterij suspicionem, sed diuortij summotam, propriae vocis adiectione, crediderim. estq. repetitio, siue expositio eius, quod dictum est: *Connubio iungam stabili.* Quae repetitio, & expositio per familiaris est Vergilio.

## CVR . PICTI . GELONI

A. VERGILIO. DICTI

*Claudianus locus collatus.*



Expressit luculenter Claudianus illud Vergilij  
Georg. secundo:

*Pictosq. Gelonos.*

Qui sic libro in Rufinum primo scripsit:

*Membraq. qui ferro gaudet pinxisse Gelonus.*

Recte igitur Seruius ad Vergilium *Pictos* interpretatur  
*stigmata habentes.*

75

# VERGILI . LOCVS

A . CLAVDIANO . EXPRESSVS



Erborum, vt diximus, Vergilianorum ob-  
seruator diligentissimus, atque imitator  
Claudianus fuisse videtur; quibus sua  
Poemata, quasi luminibus quibusdam,  
respersit. Bis in vsum suum conuerxit il-  
lud libri Aeneidos primi:

*Tanta ne vos generis tenuit fiducia vestri?*  
De bello Gildonico:

*Tanta ne deuinctos tenuit fiducia Mauros?*  
Et de bello Getico:

*Tanta ne vos, inquit, Getici fiducia belli  
Erigit?*

# VERGILI . ET

## STATI . LOCI . COLLATI



Vmeros, vocesq. Vergilianas expressit Statius  
lib. Theb. 1.

*Impastae fugistis aues, rabidamq. canum vim.*  
ad illud lib. Aeneidos quarti respiciens:  
*Imp. Massiliq. ruunt equites, & odora canum vis.*

## V E R G I L I

LOCVS . EXPLICATVS

PRVDENTI . COLLATVS

*Seruius, & Turnebus reprehensi.*

**P**Rudentius aduersus Symmachum videtur Vergilium interpretatus, qui sic scripserit:  
*Nec non Theſſalicae doctiſſimus ille magiae  
 Traditur exſtinctas ſumptae moderamine virgae  
 In lucem reuocaſſe animas, Cocytia leti  
 Iura reſignaſſe, ſurſum reuolantibus vmbriſ:  
 Aſt alias damnaſſe neci, penitusq. latenti  
 Immeſſiſſe Chao.*

Vergilius vero ſic, Aen. lib. i v.

*Tum Virgam capit. hae animas ille euocat Orco  
 Pallentes, alias ſub triſtia Tartara mittit:  
 Dat ſomnos, adimitque, & lumina morte reſignat.*

Turnebus lib. Aduerſarior. 24. cap. 26. Seruium hoc loco reprehendit, qui *Reſignat*, expoſuerit, claudit, perturbat; eamq. interpretationem ineptam dicit; ac ſuam ipſe affert longe ineptiorem. voluit enim Maronem reſpexiſſe ad veterum Romanorum conſuetudinem, qui mortuis in rogo collocatis oculos domi a familiaribus clauſos aperiebant. Quid, quaefo, commune hominibus cum dijs eſſe poterat? Num vero, quod erat cognatorum officium, ad Mercurium pertinere opinatus eſt? Rectius, petendam eius loci, & verbi expoſitionem a Prudentio, dixerim, qui, repetitione elegantiffime uſus, *Reſignat*, eſſe, ab inferis excitare, teſtatur. *Reſignat* enim lumina, eſt repetitio, ſiue exegis, & expoſitio eius, quod praeeſſerat, *Adimit ſomnos*.

AN-



# 77 54 A N T E . N E

## AN . POST . SVBSTANTIVVM COLLOCANDVM . SIT ADIECTIVVM



Diectiua praecedere semper, numquam  
subsequi substantiua nomina oportere,  
amicus meus putat; aliter si fiat, carmen  
esse humile, & ineptum, affirmat. Hunc  
ego serupulum exemptum ex adolescen-  
tium animis volo. Quare faciendum est  
mihi, vt totam hanc adiectiuorum subsequen-  
tium rationem optimorum Poetarum confirmem auctoritate. Affe-  
ram igitur in medium versus aliquot, qui mihi sese primi  
obtulerunt. lib. Aeneid. v.

*Et saeuire animis Entellum haud passus acerbis.*

*Infra:*

*— malo suspendit ab alto.*

*— primus clamore secundo.*

*— & vincula linea —*

*— vitamq. reliquit in aëtris*

*Aetherijs —*

*— docuit post exitus ingens.*

*Muneribus cumulat magnis.*

*Quamuis solus aënem caelo deiecit ab alto.*

*— pectore summo.*

*— Creta Labyrinthus in alta.*

*Ecl. 7.*

*— in montibus altis.*

*Ecl. 1.*

*Maioresq. cadunt altis de montibus umbræ.*

*Statius lib. Siluarum tertio, de Coma Earini.*

*Quor*

— quos mole nova pater inclutus vrbis  
Excolit.

Verg. Ecl. 3.

— quisquis amores  
Aut metuet dulces, aut experietur amarus.

Ecl. 4.

— silvae sint consule dignae.

— caelo demittitur alto.

— caelumq. profundum.

Ecl. 1.

— lapis omnia nudus;

Limosaq. palus obducit pascua iunco.

— hic inter flumina nota;

Et fontes sacros, frigus captae opacum.

Georg. 4.

— lucosq. sonantes.

Ecl. 1.

Florentem cyrbisum; & salices carpetis amaras.

Et:

Fronde super viridisunt nobis mitia poma,

Castaneae molles.

Ecl. 2.

Montibus, & silvis studia iactabat inani.

Allia, serpyllumque, herbas contundit olentes.

At mecum rauce sua dum vestigia lustrō

Sole sub ardenti resonant arbuta citadis.

Alba ligustra cadunt; vaccinia nigra legantur.

Lac mihi non aestate novum, non frigore desit.

Pan primus calamos cera coniungere plures.

Immensi operis esset, quae apud Latinae linguae opti-  
mos auctores ea de re exstant, exempla huc congerere.  
Illud tantum adiungo, ex his paucis constare, ordinem in  
collocatione adiectiuorum observari non oportere.

## L I T T E R A R V M

## M O N V M E N T I S

PRAESTANTISSIMORVM . HOMINVM

MEMORIAM . CONSERVARI

*Eius rei aliquot Poetarum,**Ciceronisque, & Senecae sententiae congestae.*

libenter facio, quod a doctissimis viris fa-  
citatum scio, ut eiusdem sententiae locos  
yndiq. collectos sub vno. fere aspectu sta-  
tuam. sic enim fit, ut multorum sententiis,  
quod volumus, facile consequamur.

Scriptorum beneficio fortium virorum  
nomina vivere, contra vero, extingui, & aboleri, Poetarum  
praesidio destituta, Horatius elegantissime differuit, libro  
Carminum quarto, Ode octava:

— neque

*Sic chartae sileant, quod bene feceris, si quis*

*Mercedem ruleris. Quid foret illa, quod*

*Mauortisq. puer sit, taciturnitas*

*Obstaret meritis inuida Romuli*

*Ereptum Stygijs fluctibus Aecaeum*

*Virtus, & fauor, & lingua potentium*

*Vatum diuitibus consecrat infulis*

*Dignum laude virum Musa verat mori*

*Et Ode nona:*

*Vixere fortes ante Agamemnona*

*Mulci: sed omnes illacrymabiles*

vr

*Vrgentur,ignotiq. longa  
Nocte,carent quia vate sacro.  
Paullum sepultae distat inertiae  
Celata virtus.*

Sed & Tibullus carminibus aeternā comparari famā dixerat,libro primo,Elegia quarta:

*Carminē purpurea est Nisi Coma:Carmina ni sint,  
Ex humero Pelopis non nituisset ebur.  
Quem referent Musae,viuet dum robora tellus,  
Dum caelum stellas,dum vehet amnis aquas.*

Lucanus libro nono idem sensit:

*Osacer,& magnus vatum labor,omnia fato  
Eripis,& populis donas mortalibus aeuum.  
Et paullo infra:*

*Venturi me,teq. legent.Pharfalia nostra  
Viuet,& a nullo tenebris damnabimur aeuo.*

In eandem sententiā omnes eunt Poetae,quibus assentitur Cicero: is enim pro Archia sic inquit: *Plena exemplorum vetustas. quae iacerent in tenebris omnia,nisi litterarum lumen accederet.* Et infra: *Nisi Ilias exstitisset illa, idem tumulus,qui corpus eius contexerat,nomen etiam obruisset.* loquitur de Achille,& Homero.

Seneca vero epistola ad Lucilium xxi.Oratorum quoque,& philosophorum libris eam vim esse testatur. *Quis Idomenaea,inquit,nosset,nisi Epicurus illum suis litteris incidisset?omnes illos Megistanas,& Satrapas,& Regem ipsum,ex quo Idomenei titulus petebatur,obliuio alta suppressit. Nomen Attici perire Ciceronis epistolae non sinunt:nihil illi profuisset gener Agrippa & Tiberius progenes,& Drusus Caesar pronepos: inter tam magna nomina taceretur,nisi Cicero illum aperuisset. Profunda supra nos altitudo tēporis Veniet.pauca ingenia caput exerent,& in idem quandoque silentium abitura obliuioni resistent,ac se diu vindicabunt.Quod Epicurus amico suo potuit promitte re,*



*mittere, hoc tibi promitto, Lucili. habeo apud posteros gratiam. possum mecum duratura nomina educere. Vergilius noster duobus memoriam aeternam promissit, & praestat:*

*Fortunati ambo, si quid mea carmina possunt,  
Nulla dies umquam memori vos eximet aetno,  
Dum domus Aeneae Capitoli immobile saxum  
Accolet, imperiumq. Pater Romanus habebit.*

*Quoscumque in medium fortuna protulit, quicumque membra, ac partes alienae potentiae fuerant, horum gratia viguit, domus frequentata est, dum ipsi steterunt, post ipsos cito memoria defecit. Ingeniorum crescit dignatio: nec ipsis tantum habetur, sed quidquid istorum memoriae adhaesit, excipitur. Haec Seneca, sapientissimus Orator, & eloquentissimus Philosophus, pro rei magnitudine, grauissimè tractauit. Quae quam vere dicta sint, nihil attinet disputare. Eorum enim tantum nomina ad nos peruenerunt, qui aut ipsi victura scripserunt, aut alienis scriptis irrepererunt.*

## HOMERI . HESIODI

E T . V E R G I L I

LOCVS . COLLATVS

*Numisma*

I N I C I . D A V A L I



Omerus in Achillis clypeo Mundum à Vulcano effictum multis versibus, quorum vnum apposuimus, Iliados Σ profecutus est:

*Εν μὲν γαῖαν ἔτευξ' ἐν δ' ἕρανδον ἐν δὲ θάλασσαν*

quem versum sic Latine reddidimus:

*In clypeo terram, caelumq. effinxit, & aequor.*

Eiusdem Argumenti est Hesiodi Ἀ'σπις, vbi multa de Herculis clypeo narrantur.

Vergilius vero vtrumq. imitatus in Aeneae clypeo Aeneae progeniem, & Romanorum res gestas, Augustiq. naualem ad Actium victoriam, & triumphū expressum fuisse libro octauo extremo testatus est. Ad Homeri autem Cōmētum propius accedit amplissimum ex aere Numisma, siue, vt in Italia vulgari sermone loquimur, Il Medaglione, quod proximo superiore anno ALOYSIVS ORICELLARIVS, HORATII Clarissimi viri, Filius, nobis dono dedit. quo in Numismate ex

alte-

altera quidem parte INICI . DAVALI effigiem, & nomen, ex altera vero Mundum, Terram scilicet, Caelum, ac Mare. Pisanus Pictor cum suo nomine, & sententiola vulgaribus verbis concepta, PER VVI SE FA, idest Tibi fit, centum, & eo amplius abhinc annis excuderat. Nos THOMAE . DAVALO . INICI ABNEPOTI, Illustrissimo Principi, qui ad maiorum suorum gloriam singulari virtute aspirat, gentis suae in Italia auctoris monumentum, nostris auctum versibus, dedimus.

---

AD . THOMAM . DAVALVM  
DE . INICI . DAVALI

NVMISMATE

IOSEPHI . CASTALIONIS  
CARMEN



*ES* Virtutis celsam contendis ad arcem  
Sponte tua, & per te in summos incumbis  
honores,

Attamen incessus maiorum laude tuorum  
Adijcis ad veterum titulos, & facta parentum  
Grande decus, THOMA, propriaq. in luce coruscas.  
Quare oculos resinet series deducta tuorum

Longa tuos, longusq. renidet imaginis ordo.  
 INNICVS vnus abest vobis, sed stemmate toto  
 Primus in Italiam terris qui venit Iberis  
 DAVALVS inuicti, generosus sanguinis auctor.  
 Is mihi, vix credes, signato oblatus in aere  
 Pectora laetitij persudit nuper amicis.  
 Non sic exsiluit tumulo post multa recesso  
 Saecula Syracusij mensuris TULLIVS olim.  
 Quem non attonitum maiestas reddere possit  
 Oris, & obstupeat quis non in veste superbae  
 Gratia Pisano debetur summa labori;  
 Qui faciem Herois nostros seruauit in annos;  
 Virtutemq. viri praestantis munere belli,  
 Artibus & pacis per mystica signa notauit.  
 Namq. hic aetherium prudens effinxit Olympum,  
 Addidit Arcturūque, Hyadasque, & Orionis ense.  
 In medio Terram posuit, Saltusq. Ferasq.  
 Oppidaq. & summis geminas in montibus Arces,  
 Vndisonumq. infra litus, camposq. liquentes  
 Oceani, totumq. viro subtexuit Orbem.  
 Mulciber Aetnaeis clypeum fornacibus acer  
 Formasse ingenti talem narratur Achilli,  
 Talem Caesaribus, quorum sub legibus Orbis,  
 Aere notam fuluo procudit Martia Roma.





Scriptiones hae Viri eruditiss. Iosephi Castalioni nihil continent, quod Fidei, aut moribus officere possit: easq. propterea imprimi posse censeo. Romae. 22. Ianuarij. 1594.

M. A. Maffa.

Imprimantur.

F. P. Ioannes Saragoça, Magister, & socius  
Reuerendissimi Magistri Sacri Palatii.

*Imprimantur.*

*M. Antonius Vicesgerens.*

---

pag. 60. legendum, Vrsinus *dextra* via, &c.



